

Hebreos

Cohamacu macuno to Pucurore yahubasaha masare

¹ Panopu Cohamacu payu tahari mari coyeare panopu macaina cjrيره to yare yahua tiri jire. Payu to beserina to yare yahu turiaa tiri jire. To yare yahu muntaina cjrيره yahu dutiro, ã yahua tiri jire tiro mari coyeare. ² Mipure pihtiri dacho panocã jia dachorire to macunore to yare to yahu dutichu tiro sehe marine yahua tire. Tiro to Pucuro to yoa dutiro mehne ahri yahpare, mmano cãhure yoariro jira. To Pucuro sehe pihtiri dacho panocã jipihtiare cjãhtirore cãa tiri jire tirore. ³ ã jiro to macuno sehe to Pucuro si siteare cjãariro jiro, cãno potori to Pucuro yoaro seheta jiro, to Pucuro to jia tiare marine ñona. ã yoa to macuno to tuaa mehne to dutichu ahri yahpa, mmano cãhu ã jirucura. ã yoa mari ñano yoari buhirire to cosari baharo mnanopu to Pucuro tua yãhdãariro poto bãhusehei dujiri jire tiro, to puhtoro jiare ñono.

Cohamacu macuno anjoa bui jira

⁴ Tiro Cohamacu macuno wama tira. Tí wamare cãri jire Cohamacu tirore. ã wama tiro paina bui puhtoro jira. ã jiro tiro anjoa yãhgoro tua yãhdãrãcariro jira. ⁵ To yaina anjoa sehere Cohamacu ne õ sehe ni yahuerari jire:

“Yu macu jira mhu.

Michare yu macu mhu jiare masichu yoaihca”,

niri jire Cohamacu to macunore. Anjoa sehere ne ò sehe ni yahuerari jire. Tinare ahri cãhure ne yahuerari jire:

“To pucuro jija yũhũ.

Ã yoa tiro yũ macu jira”,

niri jire Cohamacu to macunore. Anjoa sehere ne ò sehe ni yahuerari jire. (Ã jiro to macuno tina yũhgoro tua yũhdũrcariro jira.) ⁶ Pa tehe to macunore wahma masa bajuarĩrore ahri yahpai cũno ò sehe niri jire Cohamacu tirore:

“Jĩpihtina yũ yaina anjoa na tuhcuca caha sũ, ño payoahca tina yũ macure”,

niri jire tiro. ⁷ Ã yoa to yaina anjoa sehere yahuro taro ò sehe niri jire tiro:

“Yũ yaina anjoare wihnono yoaro sehe pjacu tichũ yoaja yũhũ.

Tina yũhure dahra cohtaina jira.

Tinare pichaca yoaro sehe pjacu tichũ yoaja yũhũ”, ni yahuri jire Cohamacu. ⁸ Tinare ã niparota to macuno sehere ò sehe niri jire:

“Mũhũ Cohamacu jĩpihtina bui pũhtoro ã jirucuihca.

Quihõno dutiuhca mũhũ mũ yainare.

⁹ Mahõno marieno yoare, noano yoare tuaro cahmana mũhũ.

Ã jicu ñaa yoare ñũ yabira mũhũ.

Mũ ã jĩro jichũ ñũcu yũhũ mũ Pũcu jĩpihtina paina yũhgoro mũhure wahchechũ yoahi”,

niri jire Cohamacu to macunore. ¹⁰ Ahri cãhure niri jire tiro to macunore “Pũhtoro”, ni pisuro:

“Pũhtoro, wahmanopũre ahri yahpare, mũano cãhure bajuamehnere mũhũ mũ basi.

11 Tí jipihtia cohtota pihtia wahaahca.

M̄h̄h̄h̄ sehe ne cohtotasi.

Ã jirucuihca m̄h̄h̄h̄.

Tí jipihtia suhtiro to baa boraro seheta pihtia wahaahca.

12 Tí jipihtia m̄h̄anore ahri yahpa c̄h̄h̄re cohtotach̄h̄ yoaihca m̄h̄h̄h̄.

M̄h̄n̄ano suhtirore m̄h̄ cohãboro seheta tí jipihtiare cohtotach̄h̄ yoaihca m̄h̄h̄h̄.

Suhtirore tjuwe na m̄h̄ cohtotaro seheta tí jipihtia cohtotaahca.

M̄h̄h̄h̄ sehe ne cohtotasi.

Ã jirucuihca m̄h̄h̄h̄”,

niri jire Cohamac̄h̄ to mac̄h̄nore. 13 Ne anjoa sehere ahrire yahuerari jire Cohamac̄h̄:

“Ȳh̄ poto b̄h̄h̄sehei d̄j̄iga m̄h̄h̄h̄.

P̄h̄toro jira m̄h̄h̄h̄.

Ã j̄ic̄h̄ m̄h̄h̄re ñ̄h̄ tuhtiinare doca dahre, ȳh̄d̄h̄r̄h̄cabasaihtja.

Tina bui p̄h̄toro j̄īihca m̄h̄h̄h̄”,

niri jire Cohamac̄h̄ to mac̄h̄nore. 14 Jipihtina anjoa sehe Cohamac̄h̄re dahra cohtaina jira. Ã jiro Cohamac̄h̄ warocara t̄inare to yaina anjoare Cristo to ȳh̄d̄h̄ch̄h̄ yoah̄tinare yoadoho dutiro.

2

Cohamac̄h̄ yare noaa buheare marine ã t̄h̄hotunocano cahmaerara

1 Ã yoa Cohamac̄h̄ mac̄h̄no waro marine yahuriro to j̄ic̄h̄ masina to yahuaire mari t̄h̄horire noano wac̄h̄no cahmana marine, “Tíre bori”, nina. 2 Anjoa masare Cohamac̄h̄ dutia cjirire ti yahu c̄h̄ turiariro seheta tí dutiare ȳh̄d̄h̄r̄h̄ca

dutierari jire. ã jia masa sehe anjoa ti yahurire ti yũhdũrcachũ ñũno Cohamacũ tinare quihõno buhiri dahreri jire. ³ Anjoa ti yahurire mari yũhtiri yũhgoro Cristo sehere yũhtiro cahmana. Tiro mari pũhtoro marine to yũhdũchũ yoahore yahu mũhtari jire. ã jia tirore tũhorina sehe to yahurire marine yahu turiare marine noano masichũ yoaa taa. ã jiro tí buheare marine to yũhdũchũ yoahiti buheare mari ã tũhotunocachũ Cohamacũ tuaro marine buhiri dahrerohca. Tíre duhti masieraja mari. ⁴ Tí buheare tũho mũhtaina painare ti buhero watoi Cohamacũ sehe tí buhea quihõnota ti jichũ ñõno nire. To tuaa mehne ñõno nire. ã yoa payũ tahari to tuaa mehne yoa ñõno, tí buheare quihõno ti jichũ ñõno nire. ã yoaro to yainare ti yoahitire to cahmano seheta cũri jire to buhea quihõno ti jiare ti masihtí. Espíritu Santo sehe jira marine ã yoa masichũ yoariro.

Jesucristo mari yoaro seheta pjacũ tiriõ masa bajuaha

⁵ Pihtiri dacho baharoi jiina Cohamacũ cahai jiina michapucacã yũ yahurina cjiri bui pũhtoa jisi anjoa sehe. Tina anjoare pũhtoa sõsi Cohamacũ. ⁶ Wiho mejeta cãiro Cohamacũre to durucurire õ sehe ni joari jire panopũ:

“Masa wiho jiina ti jipachũta tinare wacũna mũhũ.
Masare noano yoara mũhũ.

⁷ Mahaa mũmũricã anjoa docai masare cũri jire mũhũ.

ã cũpacũta mipũre tinare tuaare wacũ pũhtoa sõri jire mũhũ.

⁸ M_u ã s_och_u ahri yahpa macaa bui jipihtia bui jira masa”,

niri jire panop_u macariro Cohamac_ure. ã c_uno ahri yahpa macaina wahiquina jipihtina bui, jipihtia bui c_uri jire Cohamac_u. Masare to ã p_uhtoa s_opach_uta jipihtina ahri yahpa macaina, ahri yahpa macaa bui jierasínica masa. ⁹ ã tina bui jierasínipanahta, Jesu sehere masija mari. Mahaa n_um_uricã anjoa docai Cohamac_u to mac_uno cãh_ure c_uri jire, mari yaro jiborirore yari-ahtirore. Cohamac_u marine cah_uno Jesure mari yariaborirore to yariach_u cahmari jire. ã jiro to ã yariach_u ñ_uno tirore tuaare waro, p_uhtoro s_ori jire tirore.

¹⁰ Cohamac_u jipihtiare bajuamehneriro jira. ã yoa jipihtia to ya dihta jira. ã jiro Jesure to yaria dutich_u, tiro sehe mari ñ_uaa yoari buhirire cohãri jire. ã cohãri jire tiro masa pay_u to yaina jihtinare m_uanop_u naano taro. Jesu to ñ_uano y_uhd_uch_u masare y_uhd_uch_u yoah_utiro Cohamac_u to waha dutiro seheta yoaro niri jire tirore. To ã yoach_u pinihta noa nina. ã jiro Jesu sehe marine y_uhd_uch_u yoariro waro, mari p_uhtorota jira. ¹¹ Jipihtina masare ti ñ_uaa yoari buhirire Jesu, to cosawerina mehne p_uc_u tira Cohamac_ure. ã jiro mari p_uc_u cãirota jira. Mari p_uc_u to jich_u Jesu marine to yainare to cosawerinare “Y_u coyea jira”, ni pisuro ne b_uo tierara. To ã ni pisurire m_usare yahuihtja.

¹² Õ sehe nino niri jire tiro:

“Cohamac_u, m_u jia tiare yahuihtja y_u coyeap_ure. Jipihtina y_u yaina panoi m_uh_ure ñ_o payoc_u ‘Tuariro jira’, ni yahuihtja y_uh_u tinare”,

niri jire tiro to Pucurore. ¹³ Ahri cãhure niri jire tiro:

“Cohamacure wacũ tuaihca yũhũ”,
niri jire tiro. Ahri cãhure niri jire tiro:

“ Õi jija yũhũ.

Cohamacu pohna mehne õi jija.

Yũhure to cõrina yũ coyera mehne õi jija’, niri jire tiro to yainare ‘Yũ coyera’”,
ni pisuro.

¹⁴ “Cohamacu pohna”, to niina pjacu tiina mari jichu ñũno, Jesu sehe mari ya pjacu yoaro sehe jiro tari jire. ã jiro tari jire tiro crusapu yariaro taro, watĩnore butichu yoaro taro. Tiro watĩno sehe yariachu yoariro jira. ¹⁵ ã yoa watĩnore butichu yoaro, marine yũhdũchu yoare. Mari sehe dachoripe mari yariahtore cuimai. ã cuiina jina pichacapu wahaborina jimai mari. ã jiina mari jichu ñũno tiro marine yũhdũchu yoare. ¹⁶ ã yũhdũchu yoaro anjoa sehere yoadohoro taerari jire tiro. Abrahã panamanare Cohamacu yainare mari sehere yoadohoro tari jire. ¹⁷ ã taro tiro mari coyero warota tari jire. Cũno potori mari yoaro sehe pjacu tiri tari jire. ã taro mari yũhdũhtire mari ñaa yoari buhirire Cohamacure cohã dutiro taro niri jire. ã yoaro mari sacerdotia puhto bui puhtoro to yoariro sehe yoaro taro niri jire. Mari yoaro sehe jiro marine noano pja ñũna. ã yoa marine noano yoadohora. ã jiro tiro mari sacerdotia puhto ti bui puhtoro jiro nina Cohamacure dahra cohtariro jiro. ¹⁸ Tiro ñano yũhdũri jire. ã jiro watĩno tirore ñano yoa dutimari jire. Yoaerari

jire tiro. ã ñaare yoaerariro jiro, tiro sehe mari cãhure ñaare yoaerachũ yoa masina. Watĩno to ñaare to yoa dutichũ ñũno marine ñaare yoaerachũ yoa masina Jesu.

3

Jesu Moise cjiro bui jiro jira

¹ Jesu to ã jiro jichũ ñũna tirore noano wacũga mũsa. Yũ coyea Jesu yaina, Cohamacũ to beseina jira mũsa. Tiro Jesu sehe Cohamacũ to warocariro jiro mari sacerdotea pũtoa ti bui pũtoro jira. To buheare noaa buheare mari quihõno tũho, buheja. Tiro sehe Cohamacũ warocariro, mari sacerdotea bui pũtoro to jia tiare noano wacũga mũsa.

² Cohamacũ tirore marine to yũhdũchũ yoahore to cũchũ tiro sehe to cũriro seheta yoari jire. Ne yũhdũrũcaerari jire. Moise cjiro cãhũ Cohamacũ yaina Israe masare yoadohoro ne yũhdũrũcaerari jire. ãta yoari jire Jesu cãhũ. ³ Moise cjirore ti ño payoriro yũdoro Jesu sehere ño payoro cahmana marine. Õ sehe jira tí mari piti dahre buhechũ: Wũhũre mari ño payoriro yũdoro wũhũ dahreriro sehere ño payoro cahmana marine. ã jiro Jesu sehe wũhũ dahreriro yoaro sehe jiro to jichũ Moise cjirore mari ño payoriro yũdoro tiro sehere ño payoro cahmana marine. ⁴⁻⁶ Õ sehe jira ti: Mari Cristo yaina Cohamacũ ya curua macaina jija. Cristo sehe wũhũre to cũboriro seheta marine to ya curua macaina cjihtire cũno nina. Masa sehe wũhũse yoaina jira. Cohamacũ sehe jipihtiare yoariro jira. Moise cjiro sehe Cohamacũ ya curua macainare yoadohorucuriro

jiro, baharop_u Cohamac_u to yahuhtore yahua tiri jire masare. Cristo sehe Cohamac_u mac_uno jiro, Cohamac_u yare yoarucuriro jiro, Cohamac_u ya curua macaina bui puhtoro jira. To ã jiro jich_u ñana Moise cjirore mari ño payoriro yuhtoro Cristo sehere ño payoro cahmana marine. ã jina mari sehe Cristore wac_u tua duhuerana, marine to yuht_uch_u yoahtore ã wahcherucuna to ya curua macaina jija mari.

Cohamac_u to yainare tiro mehne ti noano soch_u cahmana

⁷ ã jina Cristore mari wac_u tua duhuerah_uto ò sehe yoaro cahmana marine. Ò sehe nina Espíritu Santo:

“Michare yu_u Cohamac_u musare y_u yahuch_u, yuhti duaeraina jiena tjiga.

⁸ Noano yuhtiga musa yu_ure.

Panop_u Israe masa masa marienop_u jia, ãta yuht_ucarucure yu_ure.

ã jina tina yoaro sehe yoaena tjiga musa yu_ure.

⁹ Tó_ure cuarenta cuhmari waro tinare y_u tuaa mehne yoa ñomai.

Yu ã yoa ñopach_uta tina sehe ò sehe ni tuhotua timare: ‘¿Ñaaare mari yoach_u ñ_uno Cohamac_u marine buhiri dahrebocari?’ ni tuhotua timare.

ã ni tuhotua ñano yoa ñ_u tire.

¹⁰ Ti ã yoach_u ñ_ucu tina mehne suai.

ã suacu ò sehe nii: ‘Tina y_u durucua_ure tuho du-aeraa, soro jia buheare ã wac_umacarucua nina.

Ya sehere ne yuhti duaerara’, nii tinare.

11 ã jicũ tina mehne suacũ õ sehe ni yahui: ‘Tina yũhũ mehne macaina ne jisi.

Ã jia warũ tiro marieno jisi tina’, ni yahuri jire Cohamacũ”, niri jire Espiritu Santo sehe.

12 ã jina yũ coyea, noano yoaga mũsa, “Cohamacũre cohãri”, nina. Mũsa ñaare tũhotuna, Cohamacũre catirirore wacũ tuaerana, tirore cohãboca mũsa. Ne cũiro mũsa mehne macariro ã yoaero tjijaro. 13 ã jina ahri sehere yoaro cahmana mũsare: Mũsa mehne macainare dachoripe Cohamacũ yare mũsa basi cahma durucuga “Ñaare yoari”, nina. Ñaare yoana, “Tĩ mehne wahcheja” nina, mahñoare tũhotuna nija mari. ã ni tũhotuena tjiga. Ñaare yoarucuna Cohamacũ ya sehere ji coeraja mari. ã yoana ñaare duhu duaeraja. “ã yoari” nina, mũsa mehne macainare Cohamacũ yare mũsa basi cahma durucuga. Cristo to tahto pano dachoripe tíre ã cahma durucurucuga. 14 Wahmanore Cristore mari wacũ tua dũcariro seheta tó seheta mari wacũ tuarucuna, mari catiro puro to yare duhuerana, tiro mehne macaina jija.

15 Õ sehe nina Cohamacũ yare ti joari pũi: “Michare yũhũ Cohamacũ mũsare yũ dutichũ noano yũhtiga mũsa yũhũre.

Panopũ macaina Israe masa yũ yahupachũta ño payo duaeraa, yũhũre yũhti duaerare.

ã jina tina yoaro sehe yoaena tjiga mũsa, niri jire Cohamacũ”,

ni joaa tiri jire panopũre. 16 ã yoa Cohamacũ to yahurire tũhomarina jipahta tina tirore yũhtierari

jire. Tina jipihtina Egiptop_u jiina Moise to na wiorina jipahta tirore ne y_uhtierari jire. ¹⁷ ã jia ã ñano yoarucua, cuarenta c_uhmari waro Cohamac_ure suach_u yoa m_ujaa tiri jire. Ti ã yoari buhiri masa marienop_u yariari jire tina. ¹⁸ Tirore ti ã y_uhti duaerach_u ñ_uno ò sehe cua pisaro mehne niri jire tiro: “Tina y_uh_u mehne macaina ne jisi. ã jia wap_u tiro marieno ne jisi tina”, niri jire tiro. ¹⁹ To ã nich_u t_uhona ahri sehere masinahca mari: Tina Cohamac_ure ti wac_u tuaerari buhiri tiro mehne macaina ji masierari jire. ã jia tiro mehne noano so masierari jire.

4

¹ ã jiro panop_u macainare tiro mehne ti noano sohtore c_uhmano, tinare “Y_uh_u mehne wap_u tiro marieno sonahca”, ni c_uri jire Cohamac_u. Mari c_uh_ure ãta ni c_uri jire tiro. ã jina cuaro mehne Cohamac_ure y_uhd_ur_ucaena tjijihna mari, “Cohamac_u yare yoa moñori”, nina. ã yoa moñona tiro mehne noano sosi mari. ² Panop_u macaina cjiri Cohamac_u yare ti t_uhoriro seheta mari c_uh_u noaa buheare t_uhohi. Tina t_uho m_uhtaina cjiri sehe t_uhoa, “Cohamac_u ya waro jira”, ni t_uhotuerari jire. ã jia ti t_uhori cjiri yaba cjihti jierari jire. ³ Mari sehe tirore wac_u tuana Cohamac_u mehne macaina jija. ã jina tiro mehne noano jinocahna, tiro mehne sonahca. Wap_u tiro marieno jinahca. Cohamac_u to niriro seheta jira tí. Ò sehe niri jire tiro tirore y_uhtieraina cjirire:

“Tina mehne suac_u cuaro mehne ò sehe ni yahui:
 ‘Tina y_uh_u mehne macaina ne jisi.

Ã jia wapꝰ tiro marieno ne jisi', ni yahui",
 niri jire Cohamacꝰ yare ti joari pũi. Ahri yahpare
 to yoari baharo dahra duhusiniri jire tiro. Yoari
 pja dahra duhuparota tina sehere tiro mehne so
 dutierari jire tiro. ⁴ Ahrire mari masija. Seis
 dachori ahri yahpare to yoari baharo to dahra
 duhurire yahuro õ sehe niri jire Cohamacꝰ ya
 durucuare ti joari pũi:

“Seis dachori baharo jipihtiare to dahraare
 pahñono, Cohamacꝰ dahra duhuri jire”,
 niri jire to yare ti joari pũi. ⁵ Ã yoa pari turi
 Cohamacꝰ yare ti joari pũi õ sehe ni yahura tiro
 mehne noano jierainare:

“Tina yꝰhꝰ mehne macaina ne jisi.

Ã jia wapꝰ tiro marieno ne jisi, niri jire Co-
 hamacꝰ”,
 nina to yare ti joari pũi. ⁶ Noaa buheare tꝰho
 mꝰhtaina tirore ti yꝰhdꝰꝰcari buhiri tiro mehne
 macaina jisi tina. Ã jia tiro mehne wapꝰ tiro
 marieno jisi tina. Paina sehe tiro mehne macaina
 jiahca. Ã jia tiro mehne wapꝰ tiro marieno soina
 jiahca. ⁷ Ã jiro masare to yꝰhdꝰchꝰ yohti dachori
 paye dachorire cũri jire pari turi Cohamacꝰ. Tí
 dachorita mipꝰre jira. Payꝰ cꝰhmari baharo Israe
 masa cjiri Cohamacꝰre tí tꝰho mꝰhtari baharo tí
 dachorire yahuri jire Davi cjiro sehe. Cohamacꝰ
 tirore to yahu dutichꝰ yahuri jire tiro. Cohamacꝰ
 ya durucua ti joarire mꝰsare yꝰ yahua dachorire
 õ sehe ni joari jire Davi cjiro:

“Ahri dachorire yꝰhꝰ Cohamacꝰ mꝰsare yꝰ
 yahuchꝰ yꝰhdꝰꝰcaro marieno noano
 yꝰhtiga mꝰsa yꝰhꝰre”,

ni joari jire panopure. ⁸ Tí pjapure Josué cjiro Israe masare Cohamacu to wari yahpai na suri jire. “Yuhu mehne wapu tiro marieno soina jiahca” nino, tí yahpai ti sohtore nino nierari jire Cohamacu. Tí yahpai so dutiro, paye dachori to yuhduchu yoahiti dachorire cūeraboa tiro. ⁹ Wiho mejeta seis dachori baharo ahri yahpare to yoari baharo Cohamacu to dahra duhuriro seheta mari to yaina cūhu tiro mehne wapu tiro marieno mari sohto jirohca. Tiro mehne mari noano jihto jirohca. ¹⁰ Cohamacu sehe to dahrarire duhunocasiniri jire. Tó seheta tiro mehne soina cūhu mari wapu tirire duhunocanahca. ¹¹ ã jina mari to yaina noano yoajihna. Cohamacu yare noano yuhtijihna tiro mehne mari noano sohto sehe. Panopu macaina mari coyea cjiri ti yuhduhcari baharo Cohamacu mehne macaina ji masierari jire tina. Tina yoaro sehe yoarena tjijihna mari.

¹² Cohamacu ya durucua marine catichu yoara. Noaa sehere marine cohtotachu yoara. ã jia to ya durucua wiho jia jierara. ã yoa ñosari pji pu buhu seheri siori pji mehne dihirore ti yihso ñu ti masiro sehta to ya durucua cūhu mari jia tiare noano masichu yoara. To durucua mari tuhochu, tíre mari buhechu mari jia tiare, mari tuhotua cūhure noano masi pahnochhu yoara marine. ¹³ Ne Cohamacu mari jia tiare mari dohse yoarire nu masieraja mari. Jipihtiare to bajuamehnerire, to bajuamehnerina cūhure ñuna tiro. ã jina mari yoarire tirore yahu yuhduro cahmana marine.

Jesu tuariro mari sacerdotea puhto bui puhtoro

jira

¹⁴ Jesu Cohamacu macuño to Pucuro caharu tjuariro jira. Tiro tuariro mari sacerdotea puhto bui puhtoro jira. Ñ jiro marine Cohamacure sini payora. To ã jiriro jichu ñuna mari sehe to yare noano yuhtijihna. Tirore noano wacũ tuarucujihna. ¹⁵ Tiro mari sacerdotea puhto bui puhtoro mari ñano yuhduchu ñuno noano pja ñuriro jira. Mari ñaa goa pjaare masina tiro. Watño jipihtiare ñaare marine to yoa dutiriro sehet tiro cãhure ñaare yoa dutimari jire. To ã yoa dutipachuta tiro ñaare yoaerari jire. Ñ ñaare to yoa dutimariro jiro, marine pja ñuno tiro yoadoho masina marine. ¹⁶ Ñ jina cuiro marieno Cohamacure sinijihna. Tiro marine cahña. Ñ jiro tirore mari sinichu tiro sehe pja ñuno, marine yoadohorohca. Watño marine to ñaare yoa dutichu, mari ñano yuhduchu cãhure tiro marine yoadohorohca.

5

¹ Sacerdotea puhto bui puhtore besero, masunore besera Cohamacu. Ñ to beseriro jiro sacerdotea puhto bui puhtoro sehe tiro mehne macainare yoadohoro taro, Cohamacure dahra cohtariro jira. Ñ jiro ti ñaare ti yoari buhiri Cohamacure sinibasara tiro mehne macainare. Wahiquirore wajã jũ muno, Cohamacure sinibasara. ² Sacerdotea puhto bui puhtoro paina masa yoaro sehe noano masi pahñoerariro jira. Ñ masi pahñoerariro jiro paina masierainare yoadoho masina. Ñ jiro noano yoaeraina cãhure noano yoadoho masina. ³ Ñ jia sacerdotea noano

yoa pahñoeraina jia ñaa buhiri tiina jira tina cãhũ. ã jia ti basi ti ñaare ti yoari buhiri wahiquirore wajã jã mũo, Cohamacũre sinina. Paina masare yoadohoa taa, ti ñaa buhiri ti sinibasariro sehetã ti basi ti ñaa buhiri cãhũre sinina Cohamacũre.

⁴ To basi to mũ sũro sacerdotea pũhtoa bui pũhtoro sãaerara. Cohamacũ sehe tirore besero, sacerdotea pũhtoa bui pũhtoro sõna. Panopũ macariro Aarõ cjirore to cũriro sehetã paina sacerdotea pũhtoa bui pũhtoro cãhũre cũna tiro. ⁵ Tõ sehetã Cristo cãhũ to basi to mũ sũro sacerdotea pũhtoa bui pũhtoro sãaerari jire. Cohamacũ sehe tirore pũhto sõno, õ sehe niri jire:

“Yũ macũ jira mũhũ.

Michare yũ macũ mũ jiare masichũ yoaihca”, niri jire Cohamacũ. ⁶ Pa tehe õ sehe niri jire Cohamacũ Cristore:

“Jipihtia dachoripe sacerdote jirucuihca mũhũ.

Melquisede to jiriro sehetã sacerdote jirucuihca mũhũ”,

niri jire to macũnore. ⁷ Cristo ahri yahpai jiro sañurucua mehne, yahco mehne Cohamacũre turo siniri jire tiro “Yũhũre masoga”, nino. Cohamacũ sehe tirore yariarore maso masariro jira. To ã sinichũ Cohamacũ tũhori jire tirore. Cohamacũ cahmaa dihtare to yoachũ ñũno Cohamacũ sehe to sinirire tũhoro, tirore yũhtiri jire. ⁸ Cristo Cohamacũ macũno jiparota ñano yũhdũri jire tiro. ã ñano yũhdũro yũhtiri jire Cohamacũre. ã yũhtiro noano yũhtiare masiri jire. ⁹ ã ñano yũhdũro, crusapũ yariaro jipihtina tirore yũhtihtinare yũhdũchũ yoah tiro wahari jire. ¹⁰ ã jiro Cohamacũ sehe tirore sacerdotea pũhtoa bui

p̄hutoro cūri jire. ã jiro Melquisede sacerdotea p̄hutoro to jiriro seheta jira Cristo.

Cristo yaina tirore wacũ tua duhuch̄ sua nina

¹¹ Paȳ õ sehe jiare m̄sare yahu namo duaja sã. Sã ã yahu namo duapach̄ta m̄sa sehe dapu butiina jira. ã jina m̄sare sã yahuch̄ mijo nina sãre. ¹² Yoari p̄ja Cristo yaina jimana m̄sa. ã jina mip̄re painare buheinap̄ ji tuhs̄boa m̄sa. M̄sa ã jiinap̄ jiborina jipach̄ta paina m̄sa sehere buheahca tjoa. Cohamac̄ yare mijoera curea buhea dihtare t̄hora m̄sa. Wihãinacã p̄cho dihtare ti sihni masino seheta m̄sa cãh̄ mijoera curea dihtare noano t̄hora. Wahma buhe d̄caina yoaro sehe jira m̄sa. ¹³ P̄cho sihniina wihãinacã jisina. Tina yoaro seheta m̄sa cãh̄ jira mijo cureare t̄hoerana. “Ahri ñaa jira. Ahri noaa jira”, ni bese masierara m̄sa. ¹⁴ Ch̄are ch̄ina sehe b̄c̄na jira. Tina yoaro sehe jiina noano t̄ho masiina noano buheina jira. “Ahri ñaa jira. Ahri noaa jira”, ni bese masina tina sehe.

6

¹⁻² ã jina Cohamac̄ yare noano masiina, noano yuhtiina jijihna. Cristo yare wahmanore mari buhe d̄cana õ sehe masi d̄cai: Mari m̄ s̄ro mari yoaa yaba cjihti jierara. Mari noano yoaa mehne yuhd̄si mari. Cohamac̄re wacũ tuaro cahmana marine. Ahrire wahmanop̄re buhe d̄care marine. ã jia bautisaare, wamomacarire marine ti duhu payoare, yariaina ti masa m̄jaare, ahri dacho to pihtiri baharo Cohamac̄ to buhiri dahrehtore, to buhiri dahrehtina ti ñano yuhd̄rucuhto

cãhure ahri cãhure wahmanopure marine buhe ducare. Õ sehe jia buheare masi tuhsu, paye sehere noano buhe namojihna tjoa. ³ ã jina Cohamacu to cahmachu ãta yoanahca mari.

⁴ Mari ã yoaerana Cohamacu yare duhuboca mari. Cohamacu yare masiina jipahta tíre duhuinare ne pari turi pano ti ñaa tuhhotumarire cohtotachu yoa masierara. Tó sehe jiina Cohamacu tinare to noano yoahore masia, Espíritu Santo to yoaa tiare mahanocã masimare.

⁵ ã yoa Cohamacu ya durucua tuhoa noaa durucua ti jichu masimare. Tuhsu, pihtiri dacho baharopu Cohamacu to tuua mehne mari ã jirucuhtore, masare to buhiri dahrehto cãhure tina masimare. ⁶ ã jinanapure Cristo yare duhurinare pari turi ti ñaa tuhhotumarire tinare cohtotachu yoa masierara. Tó sehe yoaina Cohamacu macunore pari turi crusapu ti cã puharo seheta tirore yoaa nina. Ti ã yoachu ñua paina masa Cristore bujupera. Ti ã yoachu tinare ti ñaa tuhhotumarire tinare cohtotachu yoa masierara. ⁷ Õ sehe jira tí mari piti dahre buhechu: Noari yahpare pjíro coro tachu tí toaa noano du, dicha tira. ã jiro tí wese puro dichare cjuara to chuhtire. Tí yahpa Cohamacu noano to yoari yahpa jira. (Tó seheta noano yoara tiro to yaina cãhure.) ⁸ Wiho mejeta agã pota mehne, tja mehne tí yahpa diaro yaba cjihti jierara. ã jiri yahpa Cohamacu to jã cohãhti yahpa jira. ã jiro tí yahpare jãnocanohca. (Tó seheta yoara tiro tirore duhuinare.)

Cristore ã ño payorucuinare yuhdũchũ yoara Cohamacũ

⁹ Yũ cahĩna, mũsare ã ni yahupaihta mũsa sehere “Cristore duhuina jira”, nii nieraja. Mũsa sehe Cristo to yuhdũchũ yoaina jira. ã jina noaare yoana nica mũsa. Tĩre masija yũhũ. ¹⁰ Noano mari yoari wapa quihõno marine noano yoariro jira Cohamacũ. ã jiro to yare mũsa tuaro dahrari wapare bosu tiro. Tirore cahĩna noano yoadohore mũsa tirore. Paina Cristo yaina cũhũre yoadohore mũsa. ã yoa tinare yoadohosinina nica mũsa. ã yoaina mũsa jichũ ñũno bosu tiro. ¹¹ Mũsa catisinino puro painare mũsa cahĩrucuchũ, mũsa yoadohorucuchũ cũhũre cahmaja sã, baharopũ Cohamacũ yare mũsa duhuri nina. Mũsa ã noano yoachũ ñũno noano yoarohca Cohamacũ mũsare. ¹² ã jina mũsa cara bũjũina mũsa jichũ cahmaeraja sã. Paina Cristo yaina ñano yuhdũpahta to yare ne duhuerara. Ti ã yoachũ ñũno Cohamacũ “Mũsare waihtja”, to nirire tinare wa pahõnohca. ã jina mũsa cũhũ tina yoaro seheta yoarucuga.

¹³⁻¹⁴ Panopũ Cohamacũ Abrahã cjirore õ sehe ni cũa tiri jire: “Yũ wama mehne ahrire potocã nii nija mũhũre. Mũhũre noano yoaihtja. ã yoacũ mũ panamana ji turianapũre payũ masa jichũ yoaihtja”, ni yahu cũa tiri jire Cohamacũ Abrahã cjirore. ã ni yahu cũno to ya wama mehne ã ni yahuro niri jire. Pairo tiro bui jiro no mariachũ to ya wama mehne to basita ã ni yahua tiri jire. ¹⁵ “Mũhũre noano yoaihtja”, Cohamacũ to ni cũire Abrahã cjiro sehere noano to cohtachũ ñũno to niriro seheta tirore noano yoaa tiri jire.

16 “Cohamacu mehne potocã nina nija”, masa sehe nia, tina ti bui jiro wama mehne ã ni yahua nina. “Cohamacu mehne potocã nii nija”, cãiro to nichu tãhoro tiro paio mehne cahma sayoriro “Potocã tjira”, ninohca. ã jia cahma sayo duhuahca tina.

17 Cohamacu Abrahãre “Mũhũre noano yoaihtja”, ni cũno to ya wama mehne ã ni yahua tiri jire. To ã ni yahurire tãhona “Potocã tjira tí. ã yoa to niri ne cohtotasi” ni, masija mari. Tíre mari masihto sehe to ni cũri mehne “Yũ wama mehne potocã nii nija”, ni yahua tiri jire Cohamacu. 18 ã jiro puaro to ni durucuri mehne potocãta to nirire masichu yoari jire Cohamacu marine: To ni cũri cũhu “Yũ wama mehne potocã nii nija”, to ni yahuri cũhu tí puaro mehne to ni durucurire yahua tiri jire tiro. To ni cũri cũhu, “Yũ wama mehne potocã nii nija”, to ni yahuri cũhu ne cohtotaerara. Cohamacu ne mahñoerara. To ã jiro jichu masina, marine to yoadohohtore macana, tirore noano wacũ tuana, wahchea mehne marine to yũhdũchu yoahore cohtanahca mari. 19-20 ã to yũhdũchu yoahore cohtana, wacũ tuaina jija mari. ã jina cuieraja. Sacerdotea puhto bui puhtoro Cohamacu to jiri tahtia waropũ sãano, dũcatari suhtirore yũhdũ sãahna. ã sãano masa ya cjihtire sini payobasara Cohamacure. To ã yoariro seheta Jesu cũhu baharo mari wahahto seheta mũanopũ Cohamacu cahapũ waharo, mari ya cjihtire sini payobasara Cohamacure. Tópũ mari wahahto pano tiro sehe wahari jire. ã jiro jipihtia dachoripe sacerdotea puhto bui puhtoro jira tiro. Melquisede sacerdote to jiro seheta sacerdotea puhtoro jirucura

tiro cãhũ.

7

Melquisede sacerdote to jiriro seheta Jesu sacerdote jira

¹ Melquisede cjiro sehe Salẽ wama tiri maca macaina bui pãhtoro jia tiri jire. Sacerdote jiro Cohamacũ tuarirore, mũano macarirore sini payobasariro jia tiri jire. ã jiro paina pãhtoare Abrahã cjiro cahma wajã yũhdũrũca tuhsũ, to tjua tachũ waro Melquisede cjiro to ya macai jiriro Abrahã cjirore piti bocaro sũã tiri jire. ã piti bocaro tirore sini payobasaa tiri jire Cohamacũre: “Noano yoaga ahrirore”, ni sini payobasaa tiri jire Cohamacũre Abrahã cjirore. ² To ã piti bocahto pano Abrahã cjiro sehe tirore ñũ tuhtiinare wajã tuhsũ to wajãrina cjiri pãhtoã yare naa tiri jire. To ã nari cjirire mahanocã waa tiri jire Melquisede cjirore. Cohamacũ to dutiriro purocãta mahanocã waa tiri jire Melquisede cjirore. Melquisede cjiro to wama sehe “Bui pãhtoro noano yoariro jira”, nino nina. Tiro cjiro Salẽ wama tiri maca macaina pãhtoro to jichũ to wama õ sehe nino nina: “Bui pãhtoro noano jichũ yoariro”, nino nina. “Salẽ” nino, “Noano jia”, nino nina. ³ Ne Melquisede cjiro pũcũsumare, to pano ji mũhtainare to coyeare ti yahu joa õri mariahna. To masa bajarire, to yariari cãhũre yahu joa õri mariahna. ã jiro ã jirucuriro yoaro sehe jira tiro cjiro. To ã jiriro jichũ Cohamacũ tiro mehne marine piti dahre buhera. Cohamacũ to macũno to sacerdote to jirire marine buhera. Melquisede cjiro sacerdote ã jirucuriro

yoaro sehe jira. Tiro yoaro seheta Cristo cãhũ sacerdote ã jirucuriro jira.

⁴ ã jiro Melquisede ne wiho jiro jiera tiri jire. Abrahã mari ñũchũ cjiro puhtoro waro jiparota mahanocã to tjua narire tiro sehere waa tiri jire. Mahanocã waa tiri jire Melquisedere. ⁵ ã jia Cohamacũ dutia Moise cjirore to cãri dutia jipihtina paina Israe masare tó purota wapa dutira. ã dutiro Leví panamana ji turiainare ti coyea waparire ñaha dutiro, cãa tiri jire. Leví panamana sacerdotea wahaa tiri jire. ã jia Israe masa Abrahã panamana ji turiaina jipahta ti sacerdotearo wapa tiri jire. ⁶ Melquisede sehe Leví panamino ji turiaro jieraparota wapa naa tiri jire Abrahãre. Cohamacũ “Mãhũre noano yoaihtja”, to ni cãriro jiparota Abrahã sehe Melquisedere wapa tiri jire. ã jiro Melquisede sehe Cohamacũre Abrahãre sini payobasaro noano yoa dutia tiri jire. ⁷ Noano yoa dutiro Melquisede cjiro sehe to noano yoa dutiro bui Abrahã bui jira. Tíre mari noano masija. ⁸ Mari mehne macaina sacerdotea marine mahanocã wapa naina mari yoaro seheta masa jira. ã jia yariahtinata jira tina cãhũ. Ahriro Melquisede sehe Abrahãre mahanocã wapa nariro cjiro ã catirucuriro yoaro sehe jira, mari piti dahre buhechũ. To yariarore yahueraro, ãta nino nia tiri jire Cohamacũ yare ti joari pũi. ⁹ Mipũ macaina Leví panamana ji turiaina sacerdotea jia, mahanocã wapa nana. ã jiina ti jipachũta Abrahã Melquisedere mahanocã waparoro jipihtina Leví panamana ji turiaina ya cjihti cãhũre wabasaro sehe yoaro nia tiri jire. ã jia

tina cãhũ Melquisedere mahanocã wapaina yoaro sehe jira. ¹⁰ Melquisedere Abrahã to wapari pjare Leví sehe masa bajuerasinia tiri jire. ã masa bajuerasiniparota to ñũchũno cjiro Abrahã pjacũpũ to jiboriro seheta Leví sehe ji tuhsũro nia tiri jire. ã jiro Melquisede Abrahãre to piti bocachũ Leví cãhũ to ñũchũno cjiro mehne jiro sehe jiro nia tiri jire. ã jia Leví, to panamana ji turiaina mehne Melquisedere mahanocã wapaina yoaro sehe jia, tina to docai jia nia tiri jire.

¹¹ To dutiare cũno Cohamacũ Levíre to coyea cãhũre sacerdotea ji dutia tiri jire. ã jia to dutia ti niriro seheta tina sacerdotea wahiquinare wajã jũ mũo, sinibasaa tiri jire Cohamacũre masa ya cjihtire. Ti ã yoari mehne mari yũhdũna, paio sacerdotere soro sehe jiriro sacerdotere cahma namoeraboa mari. ã jina paio sacerdotere cahmaja mari mipũre, Melquisede yoaro sehe jirirore. Leví ya curua macariro Aarõ cjiro yoaro sehe jiina sacerdoteara mipũre mari cahmaeraja. ¹² ã jina sacerdotere mari cohtotana, marine dutia cãhũre cohtotaro cahmana marine. (Sacerdotea ti yoadohoa mehne mari yũhdũeraro seheta tí dutia mehne mari yũhdũeraja. ã yoana tí dutiare cohtota pahũono cahmana marine.) ¹³ Aarõ, Leví cãhũ ti ya curua macaina dihtare sacerdotea sãa duti mũhtaã tiri jimare Cohamacũ to dutiare cũno. To ã dutipachũta mipũre mari pũhtoro sacerdote to sõriro pa curua macariro jira. Tí curua macariro ne sacerdote jierasinare. ¹⁴ Tiro Cristo Juda ya curua macariro masa bajuari jire. Tíre mari noano masija. Moise cjiro sehe sacerdotea sõno, Juda ya

curua macainare ne cãiro sacerdote sõera tiri jire.

¹⁵ Ahrire masina, õ sehe mari noano masija: Mip̄re wahma to sõiro sacerdote Cristo Melquisede yoaro sehe jiro jira. ¹⁶ Panop̄ macaa dutia ti niriro seheta Leví ya curua macaina dihta sacerdotea sãari jire. Mip̄re to sõiro sacerdote ti yoaro sehe jiro sacerdote sãaerari jire. Tiro Cohamac̄ tuaa mehne jipihtia dachoripe jiro jira. ã jiro tí tuaa mehne sacerdote sãari jire tiro. ¹⁷ Õ sehe nina Cohamac̄ yare ti joari p̄i:

“Jipihtia dachoripe sacerdote jirucuihca m̄h̄.

Melquisede sacerdote to jiro seheta sacerdote jirucuihca m̄h̄, nia tiri jire Cohamac̄ to mac̄nore”,

ni joaa tiri jire panop̄. ¹⁸ To dutia to cū m̄htari dutiare masa ti bihoerach̄ yaba cjihti jierari jire. ã jiro tí dutiare duti namoerari jire Cohamac̄.

¹⁹ Moise cjirore to cūri dutia mehne ne ȳhd̄erara masa. ã jiro mip̄ sehere Cohamac̄ marine to ȳhd̄ch̄ yoah̄ore marine cūre. To ã yoach̄ mip̄re tiro cahap̄ waha masija mari. ã yoa tiro mehne durucu masija.

²⁰ ã yoa Cristore sacerdote sõno, “Ȳ wama mehne potocã nii nija”, nino tirore sõri jire to P̄c̄uro. Paina sacerdotiare tirore to yoariro sehe wama payo sõerari jire. ²¹ Cristo sehe Cohamac̄ tuaro to yahuri mehne sacerdote sãari jire. Õ sehe nia tiri jire to P̄c̄uro Cristore:

“Ȳh̄ m̄ p̄htoro ȳ wama mehne m̄h̄re potocã yahuihtja.

Ahrire ne duhu cūno marieno yahuja m̄h̄re.

Jipihtia dachoripe sacerdote jirucuihca m̄h̄h̄”, ni cūa tiri jire Cohamac̄u to mac̄unore. ²² ã “Ȳh̄ wama mehne potocã nii nija”, to nino mehne cūno, wahma buheare noaa buheare marine cūno, marine to ȳhd̄ch̄u yoah̄tire cūno nia tiri jire. Panop̄u macaa dutia ȳhd̄oro mari noano jihtore cūno nia tiri jire. ã cūno Cohamac̄u “M̄sare ȳhd̄ch̄u yoaihtja”, to niriro seheta yoaro taro, Jesure warocari jire marine ȳhd̄ch̄u yoah̄tiro cjihtore. ²³ Ji m̄htaina sacerdotia ti yariach̄u ñ̄aa paina cohtota sãana tjoa. ã jia tina paȳu sacerdotia wahara. ²⁴ Jesu sehe ã jirucura. ã jia tirore cohtotaina mariahna sacerdotia. ²⁵ ã jiro tiro ã jirucuro, Cohamac̄ure ã sini payobasarucura to yaina ya cjihtire. ã yoa Cohamac̄u mehne ti ã jirucuhto sehe masare ȳhd̄ch̄u yoa masina tiro. Jipihtina tirore wacū tuaina Cohamac̄u cahap̄u wahaahca. ã jiro Jesu jira pototi tinare ȳhd̄ch̄u yoariro.

²⁶ ã jiro Jesu jira mari sacerdotia p̄h̄toa bui p̄h̄toro. Tiro pinihtare tuaro cahmaja mari. Ne ñ̄aa buhiri marieriro jira tiro. Masa yoaro sehe ne ñ̄aare yoaerare. ã jiro Cohamac̄u tirore ñ̄aina cahai jirirore naahno, m̄anop̄u cū, jipihtina paina bui p̄h̄toro sōri jire. ²⁷ Paina sacerdotia yoaro sehe jierara tiro. Tina sehe dachoripe wahiquinare wajã, j̄u m̄ho, Cohamac̄ure sinia tihre. Ti basi ti ñ̄aa yoari buhirire sini m̄htaa tihre. Baharo paina masa ti ñ̄aa buhiri c̄h̄ure sinibasaa tihre tina. ã jia paȳu tahari tina Cohamac̄ure sinia tihre. Jesu sehe sacerdote jiro, cã tahata to yariaa mehne

siniri jire Cohamacure masa ti ñaa buhirire cohãno taro. ã yariaro to basi to pjacure to catia cãhure Cohamacure to waboriro seheta yoaro niri jire. ²⁸ Cohamacu dutia Moise cjirore to cãri cjiiri sacerdotea pũhtoare sãa dutira. ã sãapahta ñaa marieina jierara ã sacerdotea sãa. Tí dutia baharo jia buhea mehne Cohamacu “Yũ wama mehne potocã nii nija”, to nino mehne to yahuri buhea mehne to macano sacerdotea pũhtoro sãari jire. Tiro sehe ñaa marieriro ã jirucura.

8

Cohamacu “Mũsare yũhdũchũ yoaihtja”, ni cãha tjoa Moise cjirore to cãrire cohõtaro. Tíre yahubasariro jira Jesu

¹ Tí jipihtiare yahuna, ahri pinihtare mũsare yahuna nija: Mũsare sã yahuriro sacerdotea pũhtoa bui pũhtoro tiro pini mari yairo waro jira. Mũanopũ Cohamacu tua yũhdũariro to pũhtoro dujiro cahai to poto bũhũsehei dujira Cristo mari sacerdotea pũhtoro. ² ã jiro ahri yahpa macari wũhũi, masa ti yoari wũhũi sacerdotea dahraare yoaerara tiro. Mũanopũ jiri wũhũpũre mari pũhtoro to yoari wũhũpũre sacerdotea dahraare yoara tiro. Tí wũhũ pinihta Cohamacu waro ya wũhũ jira.

³ Jipihtina ahri yahpa macaina sacerdotea pũhtoa wahiquinare wajã jũ mũoa, wara, Cohamacure ño payoa. ãta yoa dutia tiri jire tinare. Mari yairo sacerdote cãhure wa dutia tiri jire Cohamacure mari ño payohto sehe. Mari ñaa buhirire tirore wa dutia tiri jire. ã jiro Cristo

mari ñaa buhiri yariaro wahchech_u yoari jire Cohamac_ure sacerdot_uea p_uh_utoa Cohamac_ure waa ti wahcheriro seheta. ⁴ Mari judio masa mari dutia ti niriro seheta ahri yahpap_u sacerdot_uea masa ti ñaa buhirire wara Cohamac_ure sinia. Ahri yahpap_u sacerdot_uea ji tuhs_ura. Æ jiro Jesu sehe mari yairo sacerdot_u ahri yahpap_u jisino, sacerdot_u jieraboa tiro sehe. ⁵ Ahri yahpa macaina sacerdot_uea ti dahraare ahri yahpa macari w_uh_uihta dahrara. Tí w_uh_ui Cohamac_ure ti ño payorire ñ_una m_uano macari w_uh_uu_ure tirore mari ño payohtore masi cureja. “Tí w_uh_u yoaro sehe jira”, nino nia tiri jire Cohamac_u t_uc_ui Moise cjirore to w_uh_ure dahre dutiro. To ã dahrehto panocã Cohamac_u õ sehe nia tiri jire tirore: “T_uc_ui m_uh_ure y_u ñoriro seheta tí w_uh_u to jiriro seheta y_u ya w_uh_ure quih_uno dahrega”, nia tiri jire Cohamac_u tirore. ⁶ Mip_u sehere Jesu sacerdot_u jiro to dahraa paina sacerdot_uea ya dahraa y_uh_uoro jira. Wiho waro jierara. Cohamac_u marine “Musare y_uh_ud_uch_u yoaihtja”, to ni yahuri cjiri panop_u macaa dutia Moise cjirore to c_uri dutia y_uh_uoro jira. Marine to yahuri cjiri tí dutia y_uh_uoro marine noano jich_u yoaaahca. Æ jiro marine Cohamac_ure y_uh_ud_uch_u yoabasariro jiro, Cristo sehe paina sacerdot_uea y_uh_uoro jira.

⁷ Wahmanop_ure to dutiri cjiri mehne mari y_uh_ueraja. Tí dutia mehne mari y_uh_ud_uch_u, paye buheare c_ueraboa Cohamac_u. ⁸ Wiho mejeta tí dutiare ti yoa pah_uno masierarire yahuro õ sehe nia tiri jire to yainare Israe masare:

“Õ sehe nina mari p_uh_utoro: ‘Noano t_uhoga.

Baharopu paye buheare “Õ sehe yoadohoihtja masare”, ni yahuihtja yu yainare Israe masare, Juda ya curua macaina cãhure.

⁹ Tí buhea ti ñuchusuma cjirire yu yahu cãri cjiri yoaro sehe ne jisi.

Yu basi tinare Egipto yahpai jinare na wiocu tinare yahumai.

Yu ã ni yahurire yãhdurucare tina.

Ti ã yoachu ñucu tinare ã ñnocahi.

¹⁰ ã jicu baharopu Israe masare õ sehe ni yahuihtja: Yu dutiare tinare wacũchu yoaihtja.

ã jia yu dutiare yãhtiahca.

ã jicu yuhu Cohamacu ti puhtoro, tinare ñu wihboriro jiihtja.

Tina sehe yu yaina masa jiahca.

¹¹ ã jia tí pjare tina mehne macainare ne tina õ sehe cahma nisi: “Mari puhtorore Cohamacure masiga masa”, ne ni cahma buhesi.

Tina jipihtina yuhure masi tuhsahca.

Wihãinacã, bucuna cãhu yuhure masiina dihta jiahca.

¹² ã jicu ti ñaa yoari buhirire boihca yuhu.

Tinare buhiri dahresi yuhu.

Ti ñaa yoari buhirire pari turi wacũsi yuhu’, nia tiri jire mari puhtoro”,

nina Cohamacu yare ti joari pũi. ¹³ Mipure marine wahma buheare cũno, panopu macaa dutiare duhuro nire. ã yoa mana dutia cjirire mahanocã to duhuri baharo tí dutia cjiri cohtotaa wahara.

9

Ahri yahpa macari tahtiare m̄ano macari tahtia c̄h̄ure Cohamac̄ure ño payori tahtiare yahuha

¹ Wahmanore Cohamac̄u to dutiare Moise cjirore c̄no masa tirore dohse ti ño payohto c̄h̄ure c̄a tiri jire. ã yoa Cohamac̄ure ti ño payohti w̄h̄u c̄h̄ure yoa dutiro c̄a tiri jire.

² Tí w̄h̄u wahiquina cahsari w̄h̄u jia tiri jire. P̄ua tahtia cj̄aa tiri jire. Pjiwac̄uri tahtia ti s̄a s̄u m̄htari tahtia Cohamac̄u ya tahtia wama tia tiri jire. Tí tahtiai ti sihã buhriad̄u jia tiri jire. ã jiro mesa c̄h̄u jia tiri jire. Tí mesa bui Cohamac̄ure ti wari p̄ao pisaa tiri jire. ³ Pa tahtia suhti cahsari mehne ti d̄catari tahtia jia tiri jire. Tí tahtia Cohamac̄u to jiri tahtia waro wama tia tiri jire. ⁴ Tí tahtiai uru mehne ti yoari altar, inciensore ti j̄ m̄ori altar jia tiri jire. ã yoa uru noaa mehne ti duhu òri caro tói coãa tiri jire. Tí caro puhichap̄u uru wahwa maná wama tia ch̄a posa tiri wahwa jia tiri jire. ã jiro tí caro puhichap̄u Aarõ to tjuad̄u cjiro p̄uri tid̄u jia tiri jire. ã yoa p̄ua pj̄i t̄a pj̄ini Cohamac̄u to dutiare to joa òa pj̄ini c̄h̄u tí caro puhichap̄u s̄a tiri jire. ⁵ Tí caro bui p̄aro anjoa mas̄u jia tiri jire. Tí mas̄u Cohamac̄u to si siteare, tí tahtiai to jiare ñoa nia tiri jire. Tí caro mohano bui ti w̄a d̄p̄ari mehne mohaa tiri jire. Tí caro mohano bui masa ñaa buhirire ti warire wajã site payoa tia tiri jire sacerdotea p̄ah̄toro. Tó purota yahuihtja ahri w̄h̄u macaare mip̄are.

⁶ ã yoa tí w̄h̄ure ti noano cahnori baharo sacerdotea dachoripe ti s̄a s̄u m̄htari tahtiai s̄a s̄u, ti dahraare yoaa tia tiri jire. ⁷ Sacerdotea

pũhtoa bui pũhoro dihta pa tahtiapũ sãa tiri jire. Cũhmaripe cũ tahata to sãari dacho baroihta sãa tiri jire tiro. ã sãano ti wajãriro wahiquiro ti wariro dire na sãano, Cohamacũre ño payoa tiri jire. Di marieno ne sãaera tiri jire. To basi wacũenoca to yoari buhirire, to ñaa buhirire, jipihtina paina Israe masa wacũenoca ti yoari buhirire, ti ñaa buhirire dire na sãa tiri jire tiro Cohamacũre sini payoro taro. ⁸ Jipihtia ahri mehne Espĩritu Santo õ sehe ni marine buhero nina: Tĩ wũhũi Moise cjirore to cũri wũhũi mari ño payosinina, to cũri dutiare yoahina jisina, wiho jiina Cohamacũre ño payona wahaeraboa mari. Sacerdotea pũhtoa bui pũhoro dihta Cohamacũ to jiri tahtia waropũ sãa masina. ã jina wiho jiina ti ño payoa wahaeraro seheta ãta jiboa mari cũhũ Moise cjirore to cũri dutiare cjũasinina. ⁹ Ahri jipihtiare Cohamacũre ño payori wũhũpũ jiare marine cũno, marine mipũ macainare buhero niri jire Cohamacũ. Wahiquinare wajã jũ mũoa, masa Cohamacũre ti ño payori mehne ne Cohamacũ cahapũ wahasi. Ti ã yoari mehne ti ñaa yoari buhirire cosawerara. ¹⁰ ã wahiquinare waa, ti chũa, ti sihnia, ti pjacũ cosaa, ti õ sehe yoaa mehne Cohamacũre ño payoa timari jire. Ahri ti ã yoari wiho warota jira mipũre. ã yoa tí dutia Moise cjirore to cũri dutia marine noaina wahachũ yoaerari jire. Tĩ dutiare yoapanahita mũnanota jirucunocaja mari. Mari tũhotuare cohtotaeraja mari. ã jia wahma buheare Cohamacũ to cũri baharo mũna dutia sehe yaba cjihti jierara.

¹¹ Cristo sehe mari sacerdotea pũhoro jiro ta

tuhsuri jire. ã jiro marine noaare cõ tuhsuri jire. Cohamacure ño payori wuhũ manopũ sacerdotea puhtoro to dahrari wuhũ paina sacerdotea ti dahraa wuhũse yuhdoro noari wuhũ jira. Mũano macari wuhũ jira. Tí wuhũ ahri yahpa macari wuhũ jierara. Æ yoa masa ti yoari wuhũ jierara.

¹² Cristo manopũ Cohamacũ to jiro waropũ cõ tahata sãari jire mari ñaare yoari buhirire Cohamacure waro sehe yoaro taro. Tõpũ manopũ õpũ to jiri tahtia waro yoaro sehe jira mari piti dahre buhechũ. Æ yoaro cabritoa dire, wachũacã dire na sãa, waerari jire tiro. Tiro sehe to ya di warore Cohamacure to waro sehe yoaro niri jire yariaro. Jipihtia dachoripe Cohamacũ mehne mari jirucuhto sehe to dire cohãri jire. Mari ñaa buhirire yariari jire. ¹³ “Yariainare pihana mũsa pjacũ wete tiina jira”, ni cõa tiri jire Cohamacũ Moise cijore. Tõ sehe jia ñaare wete tiare cosawea tiri jire cabritoa dire ti wari mehne. Wachũa dire ti wari mehne, wachũacãre ti jũri nitine ti wari mehne tõ sehe jia ñaare cosawea tiri jire. ¹⁴ Tõ sehe jia ñaare wahiquina dire ti wari mehne, nitine ti wari mehne ti cosaweriro seheta tí yuhdoro Cristo sehe to dire to cohãno mehne mari ñaare yoarire noano cosawe pahñonocahna. Tiro ñaa marieriro jiro, crusapũ yariaro to basita to pjacũ to catia mehne Cohamacure waro sehe yoari jire. Espiritu Santo ã jirucuriro to yoadohoa mehne ã yoari jire tiro. Æ yoa mari ñaa yoari buhirire Cristo to cosawechũ ñũno mari ñaa buhirire Cohamacũ bonocahno, mari ñaa yoarire duhuchũ yoara. Tí ñaa buhirire cjũasinina pichacapũ wahahtina ji-

mai mari. To cosawerina jina, Cohamacu catiriro yare yoaina jija mari.

¹⁵ ã jiro “Õ sehe musare yuhduchu yoaihtja”, masare Cohamacu to ni yahu cūchu Cristo sehe to yahuares yahubasariro jira. ã yahubasara tiro Cohamacu to beserinare yuhduchu yoaro taro. To ã yuhduchu yoachu jipihtia dachoripe tiro mehne jirucunahca mari to yaina. ã jina mari to yainare Cohamacu to wahtire cjuanahca mari. Moise cjirore to cūri dutia dihta jichu masa ti ñaa buhiri jisinia tiri jire. ã yoa crusaru yariaro tí pjata ti ñaa yoari buhirire yuhduchu yoari jire tiro to yainare. ¹⁶⁻¹⁷ Masano baharo to coyeare to wahtire joa õyura papera pūi. To wahtire yahuro taro joa õyura. Tí pūre joa õyuriro to yariaerasinichu tí pū yaba cjihti jierara. To coyea to cjuarire na masierasinina. Wiho mejeta, to yariachu ñua tí pūi to ni joariro seheta to yare naahca tina. ¹⁸ To yariahto pano tí pū to yaba cjihti jieraro seheta yariaro marieno di wijaro marieno Cohamacu Moise cjirore to cūri dutia cūhu ne yaba cjihti jieraboa. ã jiro wahiquiro dire sacerdote to wajã siteri baharo to dutiare quihõnota yoaro nia tiri jire. ¹⁹ ã yoaro õ sehe yoa muhtaa tiri jire Moise cjiro: Cohamacu to cūri dutiare masare yahu pahñoa tiri jire. Baharo wachuacã dire, cabritoa dire co mehne morea tiri jire. Tuhsu, hisopo wama tidu dupu mehne oveja pjoari sohãa mehne ti ñimiori pjoarire torëa tiri jire. Tí dupu mehne dire soharo, Cohamacu dutiare to joari tju bui wajã site payoa tiri jire. Jipihtina masa bui cūhare wajã site payoa tiri jire. ²⁰ ã yoaro õ sehe nia tiri jire tiro: “Cohamacu

marine to yahuri cjiri to dutiri cjiri ahri di mehne ti potocã jichu masija mari. Ahri dire ñuna to niriro seheta marine to yoahtere masija mari. Tí dutiri cjirire yuhti dutiri jire tiro marine”, nia tiri jire Moise cjiro. ²¹ Ñ yoaro masare to yoariro seheta Cohamacure ti ño payori wahu wahiquina cahsari wuhure, jipihtia tí wahu jia cãhure wajã sitea tiri jire. ²² Ñ tjira. To dutia ti niriro seheta payu ñaare di cohãno mehne cosawero cahmana. Mahanocã dãhsaa ñaare paye baro mehne ti cosawechu noana. Ñ jiro Cohamacu mari ñaa yoari buhirire ne bosu to di cohãerachu.

Cristo to dire cohãno, to yaina ti ñaa yoari buhirire cosaweha

²³ Tí jipihtia Cohamacure ti ño payori wahu, tí wahu jia cãhu mhuano macari wahu jia yoaro seheta jiri jire mari piti dahre buhechu. Mhuano macari wahu sehe potocãta Cohamacu ya wahu waro jira. Ñ jia ahri yahpa macari wuhure, tí wahu jia cãhure wahiquina dire to wajã siteri mehne cosawero cahmari jire. Tí yuhdoro mhunopu wahahtinare ti ñaa buhiri cjuainare cosawero cahmana. Ñ jiro wahiquina yuhdoro jiro ya di to cohãno mehne tinare ti ñaa yoari buhirire cosawero cahmana. ²⁴ Ñ yoa Cohamacure ti ño payori wahu masa ti yoari wahu jira. Mhuano macari wahu yoaro seheta jira tí wahu cãhu, mari piti dahre buhechu. Ñ jiro Cristo sacerdote jiro marine sini payobasaro taro ahri yahpa macari wuhure sãerari jire. Potota mhunopu wahari jire tiro Cohamacu panoi marine sini payobasaro taro. ²⁵ Mari judio masa mari sacerdotea puhtoa

bui p̄htoro c̄hmaripe Cohamac̄u to jiri tahtia warop̄u s̄aa tiri jire wahiquina dire waro taro. Cristo sehe to dire Cohamac̄ure waro sehe yoaro taro, yariaro paȳu tahari s̄aaerari jire. ²⁶ Paȳu tahari yariariro jiro, ahri yahpa to jiro puro paȳu tahari yariaboa tiro. Paȳu tahari tiro mari ñaa buhirire yariarucuriro jiboa. Wiho mejeta p̄htiri dacho panoc̄ã mip̄ure marine jipihtinare ȳhd̄ch̄u yoaro taro c̄ũ tahata bajuari jire tiro ahri yahpai. Ñã bajuari jire to yariaa mehne mari ñaa buhirire cohãno taro. ²⁷ Jipihtina masa c̄ũ tahata yariaahca. Ti ã yariari baharo masa noainare, ñaina c̄ũh̄ure beserohca Cohamac̄u. ²⁸ C̄ũ tahata mari yariaro seheta Cristo c̄ũh̄u c̄ũ tahata yariari jire paȳu masa ti ñaa yoari buhirire cohãno taro. Baharo pari turi tarohca. Mari ñaa yoari buhirire cohã tuhs̄ur̄irop̄u jirohca. Ñã jiro pari turi mari ñaa yoari buhirire cohãno taro nisi. Ñã taro tirore cohtainare wahchea mehne tirore ñ̄u duainare ȳhd̄ch̄u yoaro tarohca.

10

¹ Cohamac̄u to dutia Moise cjirore to c̄uri cjiri noaa buhea yoaro seheta jipahta, c̄ãno potori jierara. Tí dutia ti yoa dutiriro seheta c̄hmaripe wahiquinare wajã, j̄ũ m̄uo, Cohamac̄ure ño pay-orucura. Ti ã yoaa mehne masa ti ñaa yoari buhirire cohãerara. ² Tí mehne ti ñaa yoari buhirire cohãa, c̄ũ tahata Cohamac̄ure ti ño pay-ori baharo “Mip̄ure ñaa buhiri mariahna s̄ãre”, ni t̄hotuboa masa. Ñã jia pari turi wahiquinare wajã j̄ũ m̄uo Cohamac̄ure ño payoeraboa. Ti ã yoarire duhunocaboa. ³ C̄hmaripe wahiquinare wajã j̄ũ

m̄no, Cohamacure ti ño payochu ti tinare ti ñaa yoari buhirire wacũchu yoara. Tó purocãta yoadoho duara tí tinare. ⁴ Wachu di mehne mari ño payori mehne, cabritoa di mehne mari ño payori mehne ne mari ñaa yoari buhirire cohãerara.

⁵ Tí potocãta jira. Ti ã jichu ñuno Cristo ahri yahpapure to tahto pano õ sehe nia tiri jire Cohamacure:

“Wahiquinare jũ m̄no ti wachu, trigo pohcare ti wachu cãhure m̄hu ñucu ñu ji coerara m̄hu.

Ã jicu yu pjacure yoare m̄hu yu ya pjacu cjihtore.

⁶ Ñaa yoari buhirire ti cohãhtore wahiquinare wajã ti jũ m̄ochu ñucu ñu ji coerara m̄hu.

⁷ M̄u ã ñu ji coerachu ñucu õ sehe nihi m̄hure:

“Õi jija. M̄u cahmano seheta yahpapu yoai wahaihtja.

Ãta yuhure ni yahura m̄u ya tjuru’, nihi yuhu”, nia tiri jire Cristo to Pucurore. ⁸ “Wahiquinare jũ m̄no ti wachu ñucu, trigo pohcare ti wachu cãhure ñucu ñu ji coerara m̄hu”, ni yahu m̄hta tiri jire tiro. Wahmanopure to dutia wahiquinare, trigo pohca cãhure ti waa mehne ti ño payo dutipachuta ã nia tiri jire tiro. ⁹ ã ni tuhsu õ sehe ni namoa tiri jire: “Õi jija. M̄u cahmano seheta yahpapu yoai wahaihtja”, nia tiri jire. To ã nichu õ sehe masija mari. Panopu wahiquinare wajã jũ m̄oa mehne ti ño payori cjirire duhuchu yoaro paye buhea sehere cūno niri jire Cohamacu. ã cūno mipure Cristo to yariaro mehne masare yuhduchu yoarohca Cohamacu. ¹⁰ Jesucristo to pjacure waro, yariaro, jipihtina mari to yainare mari ñaa buhirire

cohãri jire. Cã tahata to pjacure wari jire mari ñaa yoari buhirire cohãno taro. ã yoaro Cohamacu to cahmano seheta yoaro niri jire.

¹¹ Jipihtina mari judio masa mari yaina sacerdotea dachoripe Cohamacure ño payori wãhã dahrarucura. ã dahrarucua dachoripe mananota wahiquinare wajã, jã mœo, Cohamacure sinirucura. Ti ã wajã jã mœopachuta tí mari ñano yoari buhirire ne cohãerara. ¹² Cristo sehe cã tahata mari ñaa yoari buhirire yariaro, mari ñaa yoari buhirire noano cohã pahñonocari jire. Tíre cohã tuhsu wahaa wahari jire to Pucaro cahapu to poto bũhusehei dujiro waharo. Pũhtoro jiro tópu dujira. ¹³ Tópu dujiro cohtaro nina. Tirore ñu tuhtiinare Cohamacu sehe to yãhdũrcabasahtore cohtaro nina Cristo. ¹⁴ ã jiro cã tahata to yariaro mehne ti ñaa yoari buhirire to cohãbasarinare ñaa buhiri marieina ti ã jirucuchu yoara tiro. ¹⁵ Tí potocã tjira. ãta ni yahura Espíritu Santo marine. Õ sehe ni yahura tiro:

¹⁶ “Õ sehe nina Cohamacu: ‘Baharopure õ sehe ni yahuihtja Israe masare, “Yũ dutiare ti wacũapu cũihtja”’, ni yahuihtja”,

nina tiro. ¹⁷ Õ sehe ni namona Cohamacu: “Ti ñaa yoari buhirire yũ dutiare ti yãhdũrcari cãhure pari turi wacũ namosi yũhũ’, nina tiro”,

ni yahura Espíritu Santo. ¹⁸ Mari ñaa yoari buhirire to ã bochu pari turi mari ñaa yoari buhiri yariahtirore cahmaeraja mari.

Cohamacu cahai sũna cuiro marieno tiro mehne mari durucuboriro seheta tiro mehne durucu

masija mipure

¹⁹ Ñ jina yu coyea Cristo to yariaro mehne to di cohãno mehne mipure mari cãhu cuiro marieno Cohamacu to jiri tahtia waropu sãana, tiro mehne durucu masija. Ñ yoana tirore sini masija. ²⁰ Mari catirucuhto cjihtore Cohamacu marine ã coã yoaro niri jire. Cristo sehe mari ñaare yoari buhirire yariaro to di cohãri mehne Cohamacu mehne durucu masija mari. Sacerdotea puhto bui puhtoro tí tahtiapu to sãariro seheta Cristo sehe Cohamacu cahapu suri jire mari ñaa yoari buhirire bo dutiro waharo. Tí tahtia macari suhtirore ducataru suhtirore to tuhrẽ cohãboro seheta Cristo to pjacure cohãri jire Cohamacu mehne mari jirucuhto sehe. ²¹ Ñ jiro Cohamacu ya wuhui dahrariro mari Yairo Sacerdote tua yuhduariro jira tiro. ²² Ñ jina Cohamacure sinijihna mahõno marieno. Tirore noano wacũ tuaa mehne, cuiro marieno tirore sinijihna. Cristo mari ñaa yoari buhirire to cosaweinapu jija. Ñ jina “Buhiri tiina jija mari”, ni tuhotuina jieraja mari. Ñ yoa wete mariea co mehne mari cosawero seheta Cristo to cosaweinapu jija. Ñ jiina jina Cohamacure sinijihna. ²³ “Musare yuhduchu yoaihtja”, to niriro seheta yoarohca. Ñ jina tiro marine to yuhduchu yoahore noano masija mari. Tíre masina, ne boena tjijihna. Cohamacure ã wacũ tuarucujihna. ²⁴ Mari mehne macainare cahña, tinare yoadohijihna mari jipihina mari cahma cahĩ yoadohohto sehe. ²⁵ Ñ jina noano cahmachurucujihna Cohamacu yare yoana tana. Paina sehe ti cahmachumarire duhua nina. Tina yoaro sehe yoena

tjjihna. Mari mehne macainare wahchech_u yoajihna. Ahri yahpap_ure mari p_uhtoro to tahto mahano_ã dahsara. Tíre masina tuaro wahchech_u yoajihna mari mehne macainare Jesu yainare.

²⁶ Potocã jia buheare noaa buheare mari masipanahta ñaare mari pari turi ã yoarucuch_u mari ñaa yoari buhirire cosawe namohto basioerara.

²⁷ Æ jiro tó sehe yoainare cua nina. Jipihtina tirore ñ_u tuhtiinare buhiri dahrero, tuaro jãnoi cohãnohca Cohamac_u tinare. Æ jia to buhiri dahrehtore cuiina dihta jimana tirore duhuina.

²⁸ Cohamac_u dutia Moise cjirore to cãri cjirore y_uhd_ur_ucainare buhiri dahrea, mari coyea judio masa wajãna tinare. Ne pja ñ_uno marieno wajãna tinare. Tiaro ti yahusãch_u t_uhoro beseriro ti y_uhd_ur_ucarire masino tinare buhiri dahre dutira. Tiaro mariach_u p_uaro ti yahusãch_u tinare buhiri dahre dutira. To Æ dutich_u tinare wajãna. ²⁹ Tí y_uhdoro Cohamac_u mac_unore ñ_u yabiina to buhiri dahrehtina jahca. Cohamac_u Cristo to di cohãno mehne mari ñaa yoari buhirire cohãna. To Æ cohãhtore yahuri jire tiro marine. Æ jia tina ti ñaa yoari buhirire cohãrina jipahta baharo pari turi ñaare yoarucua ti ñaa yoari buhirire to cohãrire to di cãhure “Wiho waro jira”, nia nina. Æ niina, to buhiri dahrehtina waro jia niahca. Æ niina Espíritu Santore ñano ni durucuina jira. Tiro tinare cahãriro jira. Ti Æ ñano durucuch_u ñ_uno tuaro buhiri dahrerohca Cohamac_u tinare. ³⁰ Ahrire mari noano masija. Cohamac_u to basita õ sehe nia tiri jire: “Y_uh_u jija buhiri dahrehtiro. Ti ñaare yoari buhiri buhiri dahrehtja y_uh_u”, nia tiri jire

tiro. Õ sehe ni namoa tiri jire: “Yũhũ ñano yoainare yũ yainare buhiri dahrehtja”, nia tiri jire tiro.

³¹ Cohamacũ catiro marine to buhiri dahrechũ cua yũhdũara.

³² Panopũ mũsa jirire wacũga mũsa. Tí pjare Cohamacũ yare wahma masi dũcana payũ tahari ñano yũhdũpanahta to yare duhuerare mũsa.

³³ Cãa tahari masa ti ñũrocaroi paina mũsare ñano ni, ñano yoapere mũsare. Paina Jesu yainare ti ñano yoachũ ñũna, tinare pja ñũ, tinare piti tire.

³⁴ Ti peresu yoainare pja ñũre mũsa. Tuhsũ, mũsa yare ti mapachũta wahchea mehne, “Noanohca”, nire mũsa. Ahri yahpa macaa yũdoro noaare cjuara mũsa mũanopũ. Tí noaa ã jirucuahca. Tíre masina, mũsa cjuare ti machũ cahyaerare mũsa.

³⁵ ã jina cuena tjiga. Cohamacũre ã wacũ tuarucuga. Mũsa ã yoachũ ñũno tiro noano yoarohca mũsare. ³⁶ Cohamacũ “Mũsare õ sehe yoadohihtja”, to ni cũrire noano cohtaga mũsa ñano yũhdũpanahta. ã cohtaina jina to cahmaare yoanahca mũsa. ã yoana to ni cũrire cjuanahca.

³⁷ Õ sehe nina Cohamacũ yare ti joari pũi:

“Mahanocã dũhsara Cristo to wihihito.

ã taro dói wihi bahrañonohca.

³⁸ Yũ yaina noaina sehe yũhũre wacũ tuarucuahca.

ã yoaa yaina jirucuahca.

Yũhũ mehne ã jirucuahca.

Yũ yare cohãina sehere ñũ yabija yũhũ”,

nia tiri jire to ya durucua ti joari pũi. ³⁹ Mari

sehe Cohamacũ yare cohãina jieraja mari. ã jina pichacarpũ wahahtina jieraja mari. Cohamacũre wacũ tuaja mari. ã jina to yũhdũchũ yoaina jija.

11

Wacū tuaare yahuha

¹ Ō sehe jira wacū tuaa: Cohamacure wacū tuana, marine to noano yoahore noano masija mari. Cohamacu to niriro seheta to yoerasinipachuta to yahuare “Potocã tjira”, ni tũhotuja mari tirore wacū tuana. Tirore ñerapanahata, tirore wacū tuana, “Potocã tjira”, ni tũhotuja mari to yahuare tũhona. ² Panopu macaina Cohamacure ti wacū tuachu ñno ñu ji coaa tiri jire tiro sehe.

³ Cohamacu to durucua mehne jipihtiare bajuamehnea tiri jire. ã jiro tiro mari ñerari mehne jipihitia mari mipu ñare bajuamehnea tiri jire. Tĩre mari noano masija Cohamacure wacū tuana pinihta.

⁴ Cohamacure wacū tuaro Abe sehe corderore wajã, jũ muo, Cohamacure ño payoro “Noana”, nia tiri jire. To wahmino Caĩ yũdoro noanore waro, ño payoa tiri jire tiro Cohamacure. ã jiro Cohamacu to warire wahchea tiri jire. ã wahchero “Noariro jira”, ni ñua tiri jire tiro Abere. ã Cohamacure to wacū tuachu ñna mari tirore ñu cũja. To yariari baharo jipachuta to wacū tuarire ñu cũja mari.

⁵ Enoco Cohamacure to wacū tuachu ñno wahchea tiri jire Cohamacu. ã wahchero tirore to cahapu na muoa tiri jire. ãta nina Cohamacu yare ti joari pũi. To na mũori baharo ne masa tirore bocaera tiri jire. To na mũoriro jiro ne yariaera tiri jire. ⁶ Cohamacure wacū tuaerana, tirore wahchecu yoa masieraja mari. Cohamacure wacū tuaerana, tirore ño payo masieraja mari.

“Potocãta tiro Cohamacu warota jira. ã jiro tirore mari ño payochu marine noano yoara tiro”, mari ni tãhotuerana tirore sini masieraja mari.

⁷ Noé Cohamacure wacũ tuaro, tirore to yahurire noano yãhtia tiri jire. Baharopu ti ñano wahahtore to yahuchu tãhoro noano yãhtia tiri jire tiro. ã yãhtiro, pjiria dohoriare yoaa tiri jire. ã yoa tia dohoria mehne tiro to coyea mehne dia miniore yãhdũa tiri jire. ã wacũ tuariro jiro ahri yahpa macaina ñaina ti wacũ tuaerarire ti pichacapu ti wahahto cãhure ñono nia tiri jire. ã jiro to wacũ tuachu ñũno “Noariro jira”, ni ñua tiri jire Cohamacu tirore.

⁸ Abrahã cjiro cãhu Cohamacure wacũ tuaro tirore yãhtia tiri jire. Pa dihtapure tirore to wahti dihtapure Cohamacu to waha dutichu tãhoro Abrahã yãhtia tiri jire. To ya dihtai jirirowijaa waha, to masierari dihtapu sua tiri jire. ⁹ “Ahri dihtare mũhure waihtja”, Cohamacu to nichu tãhoro tirore wacũ tuaro tí dihtaihta tjuaa tiri jire tiro. Tói jiro pa dihta macariro jiparota tóihta tjuanocaa tiri jire. Tirore, to macũno Isaa cãhure to panamino Jacobo cãhure tina caĩnare “Ahri dihtare mũsare waihtja”, ni yahua tiri jire Cohamacu sehe. ã jia tina tí dihtai jia, wãhiquina cahsari wãhũsei jia tiri jire mũnano jieraina jia. ¹⁰ Tói jisinia tiri jire Abrahã Cohamacu mehne to jihtore cohtaro. Pa macapu Cohamacu to jiri macapu mũanopu to wahahtore cohtaro nia tiri jire tiro. Tí macare dahrea tiri jire Cohamacu. ã jiro tí maca ne pihtisi.

¹¹ Cohamacure wacũ tuaro Abrahã cjiro bucuro waro jiparota, to namono Sara mehne pohna

tia tiri jire. To namono pohna marienicoro to jipachata, “To niriro seheta yoarohca”, Cohamacure nino, tirore wacũ tuaro pohna tia tiri jire Abrahã. ¹² ã jiro Abrahã bucuro waro jiparota pohna tia tiri jire. ã jia to panamana ji turiainapũ payũ wahanocari jire. Ñahpichoha perire, padũ pohcaricã cãhure mari quihõna bihoeraro seheta to panamana ji turiaina cãhure quihõna bihoeraja mari.

¹³ Jipihtina ahrina yũ yahuina cjiripũ Cohamacure wacũ tua tuhsuinapũ yariaa tiri jire. Cohamacũ tinare “Musare waitja”, to ni quihõ cũrirore sũerapahta yariaa tiri jire. Tíre ñahaerapahta Cohamacũ to niriro seheta yoari pja baharopũ ti cjahtire masia tiri jire. ã masia wahchea tiri jire. ã jia õ sehe nia tiri jire tina: “Ahri yahpai tiniina jija. Pa yahpa macaina jija”, nia tiri jire tina. ¹⁴ Tó sehe niina pa yahpare ti ya yahpa cjihtore cohtaa nina. Tíre mari noano masija. ¹⁵ “Pa yahpa macaina jira”, nicũ panopũ ti cohãri yahpare nicũ nieraja. Pa yahpapũ ti ji mũhtari yahpapũ waha duaa, wahaboa. ¹⁶ Noa yũhdũari yahpa sehere cahmaa nia tiri jire. Tí yahpa mũanopũ jira. Ti ã cahmachũ ñũno “Cohamacũ sã pũhtoro jira”, ti nichũ tũhoro bũo tierara Cohamacũ. Ti ya maca cjihtore dahrebasa tuhsua tiri jire tiro.

¹⁷⁻¹⁸ Cohamacũ Abrahãre to macũnore Isaare wajã jũ mũo dutia tiri jire. Tirore ñũ duaro ã dutia tiri jire, “¿Potocãta yũhure wacũ tuajari?” nino. Cohamacure wacũ tuaro to niriro seheta yoaa tiri jimare Abrahã. “Mũ macũ Isaa mehne

m̄ panamana ji turiainare paȳ c̄j̄aihca m̄h̄”, Cohamac̄ to niriro jipach̄ta to mac̄nore wajãno taro nia tiri jimare Cohamac̄re ño payoro taro. ¹⁹ “Ȳ mac̄ Isaare ȳ wajãch̄ Cohamac̄ tirore masonohca”, ni t̄hoturo tirore wajãno taro nia tiri jimare. ã niriro jiparota Cohamac̄ tirore d̄cata, wajã dutiera tiri jire. To p̄curo to ã wajãboriro jiro, masariro yoaro sehe jia tiri jire Isaa, Abrahã to ñ̄ch̄. ã jiro Abrahã tirore catirirore pari turi c̄j̄aa tiri jire.

²⁰ Isaa Cohamac̄re wac̄ tuaro, to pohnare Jacobore, Esaú c̄h̄re “Baharop̄ Cohamac̄ m̄sare p̄j̄ro noano yoarohca”, nia tiri jire. ²¹ Cohamac̄re wac̄ tuaro Jacobo to yariahto panocã José pohnare, m̄are “Cohamac̄ m̄sare p̄j̄ro noano yoarohca”, nia tiri jire Jacobo. Na tuhca caha s̄, to t̄jad̄ mehne t̄jua ñaha caha s̄, Cohamac̄re ño payoro, “Cohamac̄ m̄sare noano yoarohca”, ni c̄a tiri jire. ²² Cohamac̄re wac̄ tuaro José to yariahto panocã Israe masa Egiptoï jiina ti wijaahore yahuyua tiri jire. ã ti wijaahore masiyuro to yariari baharo to p̄jac̄ c̄j̄ore naa dutia tiri jire to pohnare.

²³ Cohamac̄re wac̄ tuaa, Moiscãre tia s̄ waro n̄o c̄j̄aa tiri jire to p̄c̄s̄ma, to masa bajuari baharo. Noarirocã to j̄ich̄ ñ̄a tirocãre n̄oa tiri jire. Tí yahpa macaina bui p̄h̄toro ti pohnare to wajã dutirore ȳhd̄r̄canocaa tiri jire tina. Tirore cuiera tiri jire. ²⁴ Moise c̄j̄ore b̄c̄oricoro Egipto yahpa macaina bui p̄h̄toro macono jia tiri jire. ã to b̄c̄oriro jiro Cohamac̄re wac̄ tuaro “Ticoro mac̄no”, tirore ti ni pisuch̄ cahmaera tiri jire

Moise. ²⁵ Cohamacure yuhdurucariro jiro tirore buchoricoro caharu mahaa nymricã noano jiboa. ã jiboriro jiparota tí yuhdoro tiro Cohamacu yaina mehne ñano yuhdu duaã tiri jire. ²⁶ ã ñano yuhduro Cristore ti bujuphehto seheta ti bujuperiro jia tiri jire. Baharopu to noano yoari wapa Cohamacu tirore to noano yoatore masino ñano yuhdu duaã tiri jire Cristo to ñano yuhduhto seheta. Jipihtina Egipto macaina ti noaare ti cjuaro yuhdoro tiro Cohamacu sehere tuaro cahmaa tiri jire. Ñano yuhduparota, Cohamacure cahmaa tiri jire. ²⁷ Cohamacure wacũ tuaro, Egipto macaina bui puhtoro tiro mehne to suachu cuieraa tiri jire Moise. ã cuieraro tí yahpai jiriro tí yahpare cohã wahcãa wahaa tiri jire. ã waharo Cohamacure bajuerarirore to ñuboriro seheta cuierariro jia tiri jire. Cohamacu tirore to yoa dutirire ne duhuera tiri jire Moise cjiro.

²⁸ Cohamacure wacũ tuaro Moise cjiro Israe masare Cohamacu to yuhduchu yoatore masia tiri jire. ã masino Cohamacu to dutiriro seheta Israe masa ti sopacarire õa pjĩnine di mehne wajã site dutia tiri jire tiro. Ti ã yoachu ñano anjo masare wajãriro ti masa wahmisumare wajãboriro Israe masa ti wahmisumare wajãera tiri jire. ²⁹ Cohamacure wacũ tuaa, Israe masa “Sohãri ma”, ti niri mapu co watoi jiri wahsai co marieni wahsai wahaa wahaa tiri jire. Ti ã wahachu ñua Egipto macaina cãhu tinare ñu cũ, nu nu ti wahcãmaa, mini yariaa wahaa tiri jire.

³⁰ Cohamacure wacũ tuaa Israe masa Jericó wama tiri maca macari sahrĩno tãa mehne ti yoari

sahrĩno sē bʉtiri sahrĩno baharo bʉhʉsehei soroa majarea tiri jire. Siete dachori waro tí macare soroa tinia tiri jire. Tópe dachori ti soroa tiniri baharo tí sahrĩno sehte bora pihtia wahaa tiri jire. ³¹ Cohamacʉre wacũ tuaro tó pano mʉa mehne ñano yoarucuricoro cjiro Rahab wama tiricoro, tí maca macaricoro Israe masare yoadohoa tiri jire. Tí macare ti cohãhto pano mahainacã Israe masa tópe sãa ti duhti ñʉchʉ ticoro tinare yoadohoa tiri jire. To ã yoadohochʉ ñʉa Israe masa wajãera tiri jire ticorore. Tí maca macainare Cohamacʉre yʉhdʉrʉcainare wajãpahta ticoro sehere wajãera tiri jire.

³² Painare Cohamacʉre wacũ tuainare yahu namoboa yʉhʉ. ã yahu duapaihta payʉre ã Cohamacʉre wacũ tuainare yahu joa pahño masieraca yʉhʉ. Payʉ jira tina. Gedeõ, Baraca, Sansõ, Jefté, Davi, Samue, Cohamacʉ yare yahu mʉhtaina cãhʉ ahrina jipihtina yʉ yahuborina jira. ³³ Cohamacʉre wacũ tuaina cãina paye yahparipʉ jia, tí yahpari macainare cahma wajã yʉhdʉrʉcaa tiri jire. ã yoa paina noano dutiina jia tiri jire. Cohamacʉ tinare “Mʉsare yoadohoihtja”, to niriho seheta tinare yoadohoa tiri jire. Tireti wacũ tuachʉ ñʉno ã tinare yoadohoa tiri jire. ã wacũ tuaa, yaya tinare ti chʉ duachʉ ti dʉserire bihachʉ yoaa tiri jire tina. ³⁴ Tuaro jʉri pichacape jipahta jʉera tiri jire tina Cohamacʉre wacũ tuaa. Paina tinare ti ñosa wajã duachʉ duhti wahcãa wahaa tiri jire Cohamacʉre wacũ tuaa. Tuaeina jipahta Cohamacʉre wacũ tuaa, tuaina wahaa tiri jire. Cohamacʉre wacũ tuaina jia, cahma wajã

tuaina jia tiri jire. ã jia paye yahpari macaina surara tinare wajãa taina ne cãno pjaera tiri jire tinare. ³⁵ Cãa numia Cohamacure ti wacũ tuachũ ñano ti coyea ti yariachũ ñano Cohamacũ sehe tinare masobasaa tiri jire.

Paina “Cohamacure cahmaena tjiga”, ti ni peresu yoaina ti ñabiaro yoapeina Cohamacure wacũ duhuera tiri jire. “Cohamacure m̄sa wacũ duhuchũ m̄sare wionahca”, nia tiri jimare tinare peresu yoaina Cohamacũ yainare. Ti ã nipachuta tinare yũhtiera tiri jire Cohamacũ cahapũ tuaro waha duaa. ã jia tinare ñabiaro ti yoapechũ yariaa waha tiri jire. ³⁶ Painare Cohamacure wacũ tuainare ñano ni bujũpe tinare tjana m̄jaa tiri jire. ã yoa painare dahporire, yachũrire dũhtenoca peresu yoaa tiri jire. ³⁷ Cohamacure wacũ tuainare ñaina tãa mehne doca wajãa tiri jire. Painare ti pjacũrire seroti mehne yihso ta m̄jaa tiri jire. Painare ñosaa pjĩni mehne ñosa wajãa tiri jire tina. Ti ã ñano yoapeina oveja cahsari mehne, cabra cahsari mehne suhti tiina pjacũoina jia tiri jire. ã jia paina tinare ñano yoapea tiri jire. ³⁸ Tina Cohamacure wacũ tuaina peri yũ yahuina noa yũhdũaina ti jichũ ahri yahpa macaina ñaina tina mehne jiborina jierara. Ahrina Cohamacure wacũ tuaina wũhũse marieina jia, masa marienopũ, tãyucũpũ ji sitotaa tiri jire. ã ji sitotaa, tãyucũpũ jia coparipũ, yahpai jia coparipũ cũhũre carĩ sitotaa tiri jire. ³⁹ Ahrina jipihtina Cohamacure ti wacũ tuachũ ñano wahchea tiri jire tiro. Ti ã wacũ tuapachuta Cohamacũ tinare “M̄sare yũhdũchũ yoaihtja”, to niriro m̄ sũerasinia tiri

jire. ⁴⁰ To y_hd_uch_u yoerasinire yahuro ò sehe ni t_uhotua tiri jire Cohamac_u. “Ahrina y_u yainare baharop_u jiina y_u yaina mehne cãno potori y_hd_uch_u yoaihtja”, ni t_uhotua tiri jire. ã ni t_uhoturo to niriro seheta yoarohca. To ã yoach_u noa y_hd_uara to pano yoariro y_hdoro.

12

Jesure ã wacũrucujihna mari

¹ ã jina ahrina y_u yahurinare pay_u Cohamac_ure wacũ tuainare masina, jipihtia ñaa yoare duhunocajihna mari cãh_u. Ò sehe jira mari piti dahre buhech_u: M_urocaperirore tirore m_uroca tuach_u dojomehnea jira paye. To dahpo suhti n_uc_ua suhti tirore m_uroca tuaerach_u yoaboca. Tí yoaro seheta Cohamac_u cahmaare mari yoa duach_u dojomehnea cãh_u jira. Ahri cãh_ure duhujihna mari. ã yoana m_urocapeina soro marieno ti m_urocaro seheta mari cãh_u Cohamac_u to cahmano seheta soro marieno yoajihna. ² ã jina Jesure ã wacũrucujihna mari. Tirota jira marine wacũ tua d_ucach_u yoariro. ã yoa marine wacũ tua namoch_u cãh_ure yoara tiro. Crusap_u yariaro cãno pjari jire. Baharo to wahchehtore masino crusap_u yariari jire. ã yariaro b_uo tiboriro jiparota b_uo tierari jire tiro. ã yoaro mip_ure Cohamac_u to p_uhtoro dujiro poto b_uh_usehei dujitjiãhno tiro dutiriro jira.

³ Ñaina masa tirore ti ñabiario yoapach_uta cãno pjari jire tiro. Tíre wacũga m_usa, m_usa cãh_u ñano y_hd_una, “Cãno pjaerari”, nina. Tíre wacũga m_usa “Tirore wacũ tua duhuri”, nina. ⁴ Jesu to ñano

yuhduriro sehe ñaare yoaerapanahta ñabiaro waro yuhduerasinica m̄sa. Ñaina m̄sare wajãerasinica.
⁵ ¿Cohamac̄ m̄sare to pohñare to yahurire bonocajari m̄sa? M̄sa ñano yuhduhtire to yahurire wacũga m̄sa. Õ sehe nia tiri jire tiro:

“Ȳ mac̄, m̄hure ȳ yahuch̄ ȳhure ã ñunocai
 tjiga ñano yuhdupaihta.

M̄hure ȳ tuhtich̄ t̄hoc̄ cahyai tjiga.

⁶ Jipih̄tina ȳ cahĩinare yahuja.

Ã yoa jipih̄tina ‘Ȳ pohña jira m̄sa’, ȳ ni ñuinare
 yuhdur̄ca dutieraja.

Ã jic̄ ti yuhdur̄cach̄ ñ̄c̄ tinare buhiri dahreja”,
 nia tiri jire Cohamac̄. ⁷ Ñano yuhduña Cohamac̄
 yare duhuena tjiga. Cohamac̄ m̄sare to pohñare
 buhero nina. Ti p̄c̄s̄ma ti pohñare ã yahurucura.
 ã yoa tinare buherucura. Tó sehta yoara
 Cohamac̄ c̄h̄ marine to pohñare.

⁸ Cohamac̄ jipih̄tina to pohñare ã yahurucura. ã
 jina m̄sare to yahuerach̄ to pohña waro jierara
 m̄sa. P̄c̄s̄ma marieina yoaro sehe jira m̄sa to
 yahueraina. ã jina “Sã P̄c̄ waro jira”, ni masierara
 m̄sa Cohamac̄re, m̄sare to yahuerach̄.

⁹ Mari p̄c̄s̄ma marine ti yahuch̄ t̄hona tinare
 ño payoja mari. Mari p̄c̄s̄mare mari ño payo-
 oriro yuhdoro ño payoro cahmana mari P̄c̄re
 Cohamac̄re to yahuch̄. ã jina tirore yuhtiro cah-
 mana marine. ã yuhtiina jina jipih̄tia dachoripe
 tiro mehne jinahca. ¹⁰ Mahaã n̄m̄ricã ahri yah-
 pai mari jisinch̄ mari p̄c̄s̄ma marine yahua,
 buhiri dahrera. Ti m̄ s̄ro ti masino purocãta
 marine yahua, buhiri dahrera. Cohamac̄ sehe

marine noano yahura. Ñ jiro to masia mehne marine buhiri dahrera marine noaina $\mu\epsilon\sigma\mu\alpha$ dutiro. Ñta yoara tiro marine tiro yoaro sehe noaina mari jihto sehe. ¹¹ Marine to buhiri dahrech μ wahcheraja mari. Wiho mari cahyaja. Ñ cahyapanah μ to ñ buhiri dahreri baharo noaina $\mu\epsilon\sigma\mu\alpha$ nahca mari. Ñ jina soro yoaro marieno noano jinahca.

Cohamac μ marine to dutiare mari y μ htierach μ cua nina marine

¹² Ñ jina wac μ tuaera cureina jipanahta Cohamac μ re wac μ tuaina jiga. Tirore duhuena tjiga.

¹³ Noano potori mahare $\mu\epsilon\sigma\mu\alpha$ wahaboro seheta noano potocã yoaga $\mu\epsilon\sigma\mu\alpha$. $\mu\epsilon\sigma\mu\alpha$ ã yoach μ ñ μ c μ a, paina Jesu yaina soro jiare yoasi. $\mu\epsilon\sigma\mu\alpha$ noano yoach μ ñ μ c μ a, noano wac μ tuaera cureina c μ h μ wac μ tuaina wahaahca.

¹⁴ Jipihtina masa mehne noano jiga, cahmacheno marieno. Ñ yoa ñano yoarucuena tjiga. Ñaa buhiri marieina dihta mari p μ htoro Cristore ñ μ ahca.

¹⁵ Noano yoaga $\mu\epsilon\sigma\mu\alpha$. Cohamac μ $\mu\epsilon\sigma\mu\alpha$ re to yoadohoch μ tirore noano y μ htiga. Ñaa diaa ti toaare ti dojomehneno seheta $\mu\epsilon\sigma\mu\alpha$ c μ h μ Cristo yare duhuena tjiga, “Painare dojomehneri”, nina.

¹⁶ Ne numia mehne ñano yoaina jiena tjiga. Ñ yoa Cohamac μ yare cahmaeraina jiena tjiga. Cohamac μ re cahmaerariro jia tiri jire Esa μ cjiro. Tiro masa wahmino jia tiri jimare. Ñ jiro to $\rho\epsilon\sigma\mu\alpha$ ro to yariari baharo to $\rho\epsilon\sigma\mu\alpha$ ro yare c μ h μ htiro jisinia tiri jimare. Cohamac μ to $\rho\epsilon\sigma\mu\alpha$ rore to ni c μ ri c μ h μ re c μ h μ htiro jisinia tiri jimare. Ñ jiro jiro c μ dacho c μ wapaihta ch μ are cahmano, tí wapa mehne to

bahuro sehere to wahmino yoaro taro cohtotaa tiri jire. ¹⁷ To ã yoari baharo to dohse waharire masina m̄sa. To p̄curo tirore to wahtire tuaro cahmaa tiri jimare Esaú. To ã cahmapach̄ta to bahurore to wahmino to yoari buhiri, baharo to cj̄aborire waera tiri jire to p̄curo Esaúre. Tíre yahco mehne to sinipach̄ta tirore waera tiri jire to p̄curo.

¹⁸ Cohamac̄ to dutiare Moise cjire to c̄ch̄ mari coyea Israe masa cjiri Cohamac̄ mehne jia tiri jire. Tina tiro mehne ti jiro sehet̄ m̄sa sehe jierare. Õ sehe yoaa tiri jire tina sehe. T̄c̄p̄ Cohamac̄ mehne jia taa, s̄a tiri jire. T̄ sehe Sinaí wama tid̄ jira. T̄p̄ ti s̄ch̄ tuaro pichaca j̄a tiri jire. ã jiro nahitiano, buiri, tuaro wihnono c̄h̄ jia tiri jire t̄ t̄c̄i. ¹⁹ Tóp̄ ti s̄ch̄ corneta bisiro coa taa tiri jire. ã yoa durucua bisiro coa taa tiri jire. To ã durucua bisiro coa tach̄ t̄hoa, masa c̄no pjaeraa, “ã durucu namoeno t̄j̄aro”, tuaro ni sinia tiri jire. ²⁰ Cohamac̄ cuaro mehne ò sehe ni, dutia tiri jire tinare: “Jipihtina ahd̄ t̄c̄re pihainare t̄a mehne doca wajãga tinare. Ahd̄re pihariro wahiquiro waro to jipach̄ta tiro c̄h̄re t̄a mehne doca wajãga tirore. O ñosad̄ mehne ñosa wajãga tirore”, ña tiri jire Cohamac̄. To ã nich̄ t̄hoa to ã ni dutiare c̄no pjaera tiri jire tina. ²¹ Jipihtia t̄ t̄c̄i jiro to ñ̄re ñ̄ cuiro, ò sehe ña tiri jire Moise cjiro: “Cuic̄ teterei ñ̄a”, ña tiri jire tiro.

²² Tó sehet̄ Cohamac̄ mehne ti ji d̄cariro sehet̄ jierara m̄sa sehe. Cohamac̄ mehne jina wahana, Siõ wama tid̄p̄ m̄ano macad̄p̄

musa s̄uboro seheta potota Cohamac̄u mehne durucure musa. Cohamac̄u catiriro to ya macap̄u musa s̄uboro seheta potota tiro mehne durucure musa. Tí maca pa maca wahma maca Jerusalē m̄ano macari maca jira. Tó̄p̄u paȳu anjoa peri jira. ²³ Tina Cohamac̄u mehne wahchea taa cahmachuina jira. ã jina musa sehe to ya maca macaina jina, tó̄p̄u Cohamac̄u pohna ji m̄htaina mehne musa cahmachuboriro seheta jira. Tina to pohna wamare to joa õri p̄i m̄anop̄u ti wamare to joa õina jira. Tiro Cohamac̄u sehe jipihinare besetiro jira. Tiro mehne macaina jira musa sehe. ã jina paina noaina Cohamac̄u yaina mehne cahmachuina seheta jira musa c̄uh̄u. Tinareta ñaa marieina jich̄u yoa tuhs̄u jire Cohamac̄u. ²⁴ ã jina Jesu mehne macaina jira musa sehe. Wahmanop̄u Moise cjirore to duti c̄uri cjirore cohtotaro “M̄sare ȳhd̄uch̄u yoaihtja ȳh̄u”, ni c̄ua tiri jire Cohamac̄u marine. To ã ni c̄uriro seheta yoariro jira Jesu. To dire cohã to yariaro mehne ã marine ȳhd̄uch̄u yoara. Abe cjiro to di cohãch̄u ñ̄no Cohamac̄u Abere wajãr̄i buhiri dahrea tiri jire. Jesu sehe to dire cohã to yariariro mehne noano ȳhd̄uja mari. ã jiro Abe to di cohãri wiho warota jia tiri jire. Cristo sehe to di cohãri baharo noa ȳhd̄uaro yoari jire Cohamac̄u marine. ã jia to di cohãri wiho warota jierara.

²⁵ ã jina noano yoaga musa. Cohamac̄u yare m̄sare yahur̄i noano ȳhtiina jiga. Panop̄u ahri yahpai jiriro Moise cjiro Cohamac̄u yare to yahuch̄u t̄hoa, paȳu tíre t̄ho duaera tiri jire. ã ti t̄hoerari buhir̄i buhiri dahrea tiri jire

Cohamacu tinare. Cristo sehe manopu jiro Cohamacu yare yahuriro jira. ã jiro panopu macainare to buhiri dahreriro yuhdoro buhiri dahrerohca Cohamacu Cristore cahmaerainare. Cristo sehe manopu jiro Cohamacu yare yahuriro jira. ²⁶ Tí pjare Moise cjirore to dutiare to cûri pjare Cohamacu to durucuro mehne yahpa ñuhmichu yoaa tiri jire. Mipu sehene õ sehe ni yahuri jire tiro: “Ahri yahpa to ñuhmichu cû taha yoa namoihtja. Ahri yahpa dihtare ñuhmichu yoasi yahu. Manopu cûhare ñuhmichu yoaihtja”, ni yahuri jire tiro. ²⁷ “Ahri yahpa to ñuhmichu cû taha yoa namoihtja”, nino jipihtiare to bajuamehnerire to cohãhtore masichu yoaro niri jire. Puhoro Cohamacu to sũho jiropure cohãhto basioerara. ã jiro to bajuamehneri cjirire to cohãchu puhoro to sũho jiro dihta tjuarohca. ²⁸ Puhoro to sũho jiropure wahanahca mari. ã jina puhoro to sũho jiropure to cohãerachu ñuna, Cohamacure “Noana”, nijihna mari. ã jina tirore ño payoa mehne, cua pisaro mehne to yare yoajihna mari tirore wahchechu yoana tana. ²⁹ Pichaca jũno to cuaro to jiro seheta Cohamacu cuaro choro buhiri dahreriro jira.

13

Õ sehe Cohamacure wahchechu yoaga

¹ Musa mehne macainare cahĩ duhuena tjiga.
² Masa musa masieraina ti jipachuta tinare musa wuhusepu noano mehne sãa ta dutiga. Paina ã yoaa, masierapahta anjoare ti wuhusepu sãa ta dutiri jire. ã jina ti yoaro seheta yoaga musa cûhu.

³ Peresui jiinare pja ñuga. MUSA sehe tina mehne peresui jiina MUSA jiboro seheta tinare pja ñuga. Paina ti ñano yoaina cãhure pja ñuga. Tina yoaro sehe MUSA cãhu MUSA ñano yuhduboro seheta tinare pja ñuga.

⁴ Wamomaca dũhteina jipihtina MUSA basi noano cahma ño payoga. Æ yoa paina mehne ñano yoarena tjiga. Jipihtina numia mehne ñano yoainare, MUSA mehne ñano yoaa numia cãhure buhiri dahrerohca Cohamacu.

⁵ Niñerure cahĩina ne jiena tjiga. Õ sehe nia tiri jire Cohamacu: “MUSARE ne cohãsi. Æ yoadohoru-cuihtja MUSARE”, nia tiri jire tiro. Noho puro MUSA cjuaa mehne tó purota wahchega. Pjĩro cahma namoena tjiga. ⁶ Æ jina cuiro marieno õ sehe ni tuhhotunahca mari: “Mari puhtoro Cohamacu marine yoadohoriro jira.

Ne cuisu mari.

Masa marine ti ñano yoahore cuisu mari”, ni tuhhotunahca mari.

⁷ Cohamacu yare MUSARE yahurinare MUSARE dutirinare wacũga MUSA. Æ yoa noano ti jia tirire noano ti yoaa tirire wacũga. Æ wacũna, Cristore ti wacũ tuariro seheta yoaga MUSA cãhu.

⁸ Jesucristo ne cohtotaerara. Panopu, mipu cãhure, baharopu cãhure to jiro seheta jirucurohca tiro. ⁹ Payu buheare soro jia buheare tuhoena tjiga MUSA “Noa buheare sãpu cohãri”, nina. “Ahrire chuga. Ahrire chæna tjiga”, ni buhera cãina. Æ ni ti nia buheare mari yuhtichu tí marine yoadohoerara. Æ jiro tó sehe jia buheare

mari yoach_u wiho warota jira. Tí marine wacũ tuaina jich_u yoerara. Cohamac_u sehe marine pja ñ_uno wacũ tuaina jich_u yoara. ã jina to ya tuaa mehne tirore wacũ tuaina jiga m_usa cũh_u.

¹⁰ Cristo mari ñ_{aa} buhirire yariari jire mari ñ_{aa}are cohãno taro. Sacerdotea sehe õ sehe niina jira: “Wahiquina mari wajã jũ m_uoina, mari waina mehne y_uhd_unahca”, niina jira sacerdotea. ã niina ti ñ_{aa} yoari buhirire cohãina ne ji masierara. Cristo to crusai to yariaro mehne y_uhd_uina ji masierara tina ã ni t_uhotuina. ¹¹ Mari judio masa mari sacerdotea p_uhtoro Cohamac_u to jiri tahtia warop_u dire na sãano wajã sitea tiri jire, masa ti ñ_{aa} yoari buhirire cosawero taro. ã yoa to wajãriro wahiquiro to p_ujac_ure tí maca d_uht_u cahap_u jũ cohãnocahna. ¹² To yoiro seheta Jesu cũh_u maca d_uht_u cahap_u yariari jire, masa ti ñ_{aa} buhirire to di cohãno mehne cosawero taro. ¹³ Maca d_uht_u cahap_u to yariach_u ñ_ua, ti ya buheare to cohãch_u ñ_ua judio masa p_uhtoa tirore ñ_u tuhtiri jire. ã jina mari cũh_u tiro mehne macaina jijihna. Mari ã jich_u ñ_ua, masa mari cũh_ure ñ_u tuhtiahca. ¹⁴ Ahri yahpap_u mari ji dojoahti maca ne mariahna. ã jina mip_ure mari baharop_u j_ihti macare cohtana nija mari. ¹⁵ ã jina Jesu to yoadohoro mehne Cohamac_u mehne durucuja mari. ã jina tirore noano sinijihna. Sacerdote wahiquirore jũ m_uo, Cohamac_ure to ñ_o payoriro seheta Cohamac_ure mari d_useri mehne noano durucu ñ_o payojihna mari. “Cohamac_u tuariro jira”, ni ñ_o payorucujihna. Mari ã nich_u tiro wahcherohca. ¹⁶ M_usa mehne macainare noano yoaga. ã

yoa tinare yoadohoga. Tíre boena tjiga. M̄sa ã noano yoana Cohamac̄re ño payona nica m̄sa. ã yoana tirore wahchech̄ yoana nica.

¹⁷ M̄sa p̄htoare noano ȳhtiga. Ti dutiro seheta yoaga. Cohamac̄ m̄sare ñ̄ wihbo, buhe dutiro c̄re tinare. To ã c̄rina jia m̄sare ã ñ̄ wihborucua nina “Cohamac̄re ȳhd̄r̄cari”, nia. ã jina tinare noano ȳhtiga m̄sa. M̄sa ã ȳhtich̄ ñ̄a wahchea mehne m̄sare yoadohoahca tina. M̄sa ȳhtierach̄ ñ̄a tina cahyaahca. ã ȳhtierana noano jisi m̄sa.

¹⁸ S̄are sini payorucuga Cohamac̄re. Dachoripe noaa dihtare yoa duaja s̄a. ã jina “Ñ̄aare yoana nija”, ni t̄hotueraja s̄a. ¹⁹ Ahri pinihtare tuaro sini payoga Cohamac̄re ȳh̄re: Soaro mehne m̄sa cahap̄ ȳ wahahtore tirore sini payoga.

Ahri p̄re joariro noa duti batoaha

²⁰ Cohamac̄ mari p̄htoro Jesure yariarirore masori jire. Marine noano jich̄ yoariro jira. Tiro “M̄sare ȳhd̄ch̄ yoaihtja”, ni c̄a tiri jire Cohamac̄ marine. To ã ni c̄rre yoariro marine ȳhd̄ch̄ yoariro Jesu sehe jira. Mari ñ̄a buhirire yariari jire tiro. ã jiro tiro tuariro ovejare ñ̄ wihboriro yoaro sehe jiro, marine to yainare noano ñ̄ wihbora. ²¹ ã jiro Cohamac̄ tirore masoriro m̄sa c̄h̄re yoadohojaro jipihtia noare to cahmaare m̄sa yoah̄to sehe. ã jiro Jesucristo to yoadohoro mehne Cohamac̄ to cahmano seheta jipihtinare marine noaa sehere cohtotach̄ yoajaro. Jipihtia dachoripe Cristore ño payojihna. ãta yoajihna.

²² Y_h coyea, ahrire tuaro m_hsare dutiitja: Ahri p_hi y_h yahurire noano mehne t_hhoga m_hsa. Ahri m_hsare y_h joarocari p_h p_hiri tju jierara. ã jina ahrire noano t_hhoga. ²³ Ahri cãh_hre m_hsare yahuihtja: Mari coyeyore Timoteore peresu jirirore wioyuhti. Soaro mehne to wihich_h m_hsare ñ_hi wahac_h tirore naaihtja. Y_hh_h mehne waharohca.

²⁴ M_hsa p_hhtoare, jipihtina painare Cohamac_h yainare tó_i jinare noa dutija. Italia macaina Jesu yaina cãh_h m_hsare noa dutira.

²⁵ Cohamac_h to cah_h mehne m_hsare jipihtinare noano yoajaro.

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 21 Feb 2024 from source files
dated 29 Jan 2022
1f3a4366-edba-553b-a17f-bc47c9049c98